



和13  
1687  
5



古法印四



詩宗卯集卷七

古詩 五言一百八十四首

游龍門奉先寺

杜南

中唐

已從招提遊夏宿招提境陰聲生靈籟月林散清影  
天闕象緯逼雲臥衣裳冷欲覺聞晨鐘令人發深省

望嶽

岱宗夫如何齊魯青未了造化鍾神秀陰陽割昏曉  
盪曾生層雲沒皆入歸鳥會當凌絕頂一覽衆山小

奉贈韋左丞丈

紈袴不餓死儒冠多誤身丈人試靜聽賤子請具陳

南昔少年日早充觀國賓讀書破萬卷下筆如有神  
賦料揚雄敵詩看子建親李邕求識面王翰願卜鄰  
自謂頗挺出立登要路津致君堯舜上再使風俗淳  
此意竟蕭條行歌非隱淪騎驢三十載旅食京華春  
朝扣富兒門暮隨肥馬塵殘杯與冷炙到處潛悲辛  
主上頃見徵歛然欲求伸青冥却垂翅蹭蹬無縱鱗  
甚愧丈人厚甚知丈人真每於百寮上搜誦佳句新  
竊效貢公喜難堪原憲貧焉能心怏怏祇是走踈踈  
今欲東入海卽將西去秦尚憐終南山回首清渭濱  
常擬報一飯况懷辭大臣白鷗沒浩蕩萬里誰能馴

贈衛八處士

人生不相見動如參與商今夕復何夕共此燈燭光  
少壯能幾時鬢髮各已蒼訪舊半爲鬼驚呼熱中腸  
焉知二十載重上君子堂昔別君未婚兒女忽成行  
怡然敬父執問我來何方問答未及已兒女羅酒漿  
夜雨剪春韭新炊間黃粱主稱會面難一舉累十觴  
十觴亦不醉感子故意長明日隔山嶽世事兩茫茫

漢陂西南臺

高臺面蒼陂六月風日冷蒹葭離披去天水相與永  
懷新目似擊接要心已領仿佛識鮫人空濛辨漁艇

錯磨終南翠顛倒白閣影峭峯增光輝乘凌惜俄頃  
勞生媿嚴鄭外物慕張邴世復輕驂騑吾甘雜鼃甍  
知歸俗可忽取適事莫並身退豈待官老來苦便靜  
况資菱芡足庶結茅茨迴從此具扁舟彌年逐清景

九日寄岑參

出門復入門雨脚但仍舊所向泥活活患君令人瘦  
沈吟坐秋軒飯食錯昏晝寸步曲江頭難為一相就  
吁嗟乎蒼生稼穡不可救安得誅雲師疇能補天漏  
大明韜日月曠野號禽獸君子強逶迤小人困馳驟  
維南有崇山恐與川浸漚是節東籬菊紛披為誰秀

岑生多新語性亦嗜醇酎采采黃金花何由滿衣袖

夏日李公見訪

遠林暑氣薄公子過我遊貧居類村塢僻近城南樓  
傍舍頗淳朴所願亦易求隔屋喚西家借問有酒不  
牆頭過濁醪展席俯長流清風左右至客意已驚秋  
巢多衆鳥鬪葉密鳴蟬稠苦遭此物聒孰語吾廬幽  
水花晚色靜庶足充淹留預恐樽中盡更起為君謀

雨過蘇端

雞鳴風雨交久旱雨亦好杖藜入春泥無食起我早  
諸家憶所歷一飯跡便埽蘇侯得數過歡喜每傾倒

也復可憐人呼兒具梨棗濁醪必在眼盡醉攄懷抱  
紅稠屋角花碧委墻隅草親賓縱談謔喧鬧慰衰老  
况蒙霈澤垂糧粒或自保妻孥隔軍壘撥棄不復道

玉華宮

溪回松風長蒼鼠竄古瓦不知何王殿遺構絕壁下  
陰房鬼火青壞道哀湍瀉萬籟眞笙芋秋色正瀟灑  
美人爲黃土况乃粉黛假當時待金輿故物獨石馬  
憂來藉草坐浩歌淚盈把冉冉征道間誰是長年者

九成宮

蒼山入百里崖斷如杵白層宮憑風迴岌業土囊口

立神扶棟樑鑿翠開戶牖其陽產靈芝其陰宿牛斗  
紛披長松倒揭孽怪石走哀猿啼一聲客淚迸林藪  
荒哉隋家帝製此今頽朽向使國不亾焉爲巨唐有  
雖無新增修尚置官居守巡非瑤水遠迹是雕墻後  
我來屬時危仰望嗟嘆久天王狩太白駐馬更回首

羌村

崢嶸赤雲西日脚下平地柴門烏雀噪歸客千里至  
妻孥怪我在驚定還拭淚世亂遭飄蕩生還偶然遂  
鄰人滿牆頭感歎亦獻歆夜闌更秉燭相對如夢寐

晦日尋崔戢李封

朝光入甕牖尸寢驚弊裘起行視天宇春氣漸和柔  
興來不暇懶今晨梳我頭出門無所待徒步覺自由  
杖藜復恣意免值公與侯晚定崔李交會心真罕儔  
每過得酒傾二宅可淹留喜結仁里歡况因令節求  
李生園欲荒舊竹頗脩脩引客看掃除隨時成獻酬  
崔侯初筵色已喪空罇愁未知天下士至性有此不  
草芽既青出蜂聲亦暖遊思見農器陳何當甲兵休  
上古葛天民不貽黃屋憂至今阮籍等熟醉爲身謀  
威鳳高其翔長鯨吞九州地軸爲之翻百川皆亂流  
當歌欲一放淚下恐莫收濁醪有妙理庶用慰沈浮

送率府程錄事還鄉

鄙夫行衰謝抱病昏妄集常時往還人記一不識十  
程侯晚相遇與語才傑立薰然耳目開頗覺聰明入  
千載得鮑叔末契有所及意鍾老柏青義動脩蛇蟄  
若人可數見慰我垂白泣告別無淹晷百憂復相襲  
內媿突不黔庶羞以賙給素絲挈長魚碧酒隨玉粒  
途窮見交態世稷悲路澁東風吹春冰決滌后土溼  
念君惜羽翮旣飽憂患戢莫作翻雲鷲聞呼向禽急

遣興

朝逢富家葬前後皆輝光共指親戚大總麻百夫行

送者各有死不須羨其強君看束縛去亦得歸山崗

赤谷西崦人家

躋險不自安出郊已清目溪迴日氣暖逕轉山田熟  
鳥雀依茅茨藩籬帶松菊如行武陵暮欲問桃源宿

佳人

絕代有佳人幽居在空谷自云良家子零落依草木  
關中昔喪亂兄弟遭殺戮官高何足論不得收骨肉  
世情惡衰歇萬事隨轉燭夫婿輕薄兒新人美如玉  
合昏尚知時鴛鴦不獨宿但見新人笑那聞舊人哭  
在山泉水清出山泉水濁侍婢賣珠迴牽蘿補葺屋

摘花不插髮采柏動盈掬天寒翠袖薄日暮倚脩竹

西枝邨尋置草堂地夜宿贊公土室

出郭眇細岑披榛得微路溪行一流水曲折方屢渡  
贊公湯休徒好靜心迹素昨枉霞上作盛論巖中趣  
怡然共携手恣意同遠步捫蘿澀先登陟巘眩反顧  
要求陽崗暖苦涉陰嶺洵惆悵老大藤沈吟屈蟠樹  
卜居意未展杖策迴且暮層巔餘落日草蔓已多露  
天寒鳥已歸月出山更靜土室連白光松門耿疎影  
躋攀倦日短語樂寄夜永明燃林中薪暗汲石底井  
大師京國舊德業天機乘從來支許遊興趣江湖迴



數奇謫關塞道廣存箕穎何知戎馬間復接塵事屏  
幽尋豈一路遠色有諸嶺晨光稍朦朧更越西南頂

發秦州

我衰更嬾拙生事不自謀無食問樂土無衣患南州  
漢源十月交天氣涼如秋草木未黃落况聞山水幽  
栗亭名更佳下有良田疇充腸多薯蕷崖蜜亦易求  
密竹復冬笋清池可方舟雖傷旅寓遠庶遂平生遊  
此邦俯要衝實恐人事稠應接非本性登臨未銷憂  
谿谷無異石塞田始微收豈復慰老夫惘然難久留  
日色隱孤戍烏啼滿城頭中宵驅車去飲馬寒塘流

磊落星月高蒼茫雲霧浮大哉乾坤內吾道長悠悠

法鏡寺

身危適他州勉強終勞苦神傷山行淡愁破屋寺古  
嬋娟碧蘚淨蕭槭寒穉聚回回山根水冉冉松上雨  
洩雲蒙清晨初日翳復吐朱萼半光炯戶牖粲可數  
拄策忘前期出蘿已亭午冥冥子規叫微逕不復取

青陽峽

塞外苦厭山南行道彌惡岡巒相經亘雲水氣參錯  
林迴峽角來天窄壁面削磧西五里石奮怒向我落  
仰看日車側俯恐坤軸弱魑魅嘯有風霜霰浩漠漠

詩宗  
昨憶踰壠坂高秋視吳嶽東笑蓮花卑北知崆峒薄  
超然侔壯觀已謂殷寥廓突兀猶趁人及茲嘆冥冥

積草嶺

連峯積長陰白日遞隱見颼颼林響交慘慘石狀變  
山分積草嶺路異明水縣旅泊吾道窮衰年歲時倦  
卜居尚百里休駕投諸彥邑有佳主人情如已會面  
來書語絕妙遠客驚淡眷食蕨不願餘茅茨眼中見

萬丈潭

青溪合冥冥神物有顯晦龍依積木蟠窟壓萬丈內  
跼步凌垠堦側身下煙靄前臨洪濤寬却立蒼石六

山危一徑盡岸絕兩壁對削成根虛無倒影垂澹瀨  
黑知灣環底清見光炯碎孤雲倒來溪飛鳥不在外  
高蘿成帷幄寒木疊旌旆遠川曲通流嵌竇潛洩瀨  
造幽無人境發興自我輩告歸遺恨多將老遊斯最  
閉藏脩鱗蟄出入巨石礙何當炎天過快意風雨會

水會渡

山行有常程中夜尚未安微月沒已久崖傾路何難  
大江動我前洶若溟渤寬篙師暗理楫歌笑輕波瀾  
霜濃木石滑風急手足寒入舟已千憂陟巘仍萬盤  
回眺積水外始知衆星乾遠遊令人瘦衰疾慙加餐

飛仙閣

土門山行窄微徑緣秋毫棧雲闌干峻梯石結構牢  
 萬壑敲疎林積陰帶奔濤寒日外澹泊長風中怒號  
 歇鞍在地底始覺所歷高往來雜坐臥人馬同疲勞  
 浮生有定分飢飽豈可逃歎息謂妻子我何隨汝曹

龍門閣

清江下龍門絕壁無尺土長風駕高浪浩浩自太古  
 危途中縈盤仰望垂線縷滑石敲誰鑿浮梁裊相拄  
 目眩隕雜花頭風吹過雨百年不敢料一墜那得取  
 飽聞經瞿塘足見度大庾終身歷艱險恐懼從此數

通泉驛南去通泉縣十五里山水作

溪行衣自溼亭午氣自散冬溫蚊蚋集人去鳧鴨亂  
 登頓生層陰敲傾出高岸驛樓衰柳側縣郭輕烟畔  
 一川何綺麗盡日窳壯觀山色遠寂寞江光夕滋漫  
 傷時愧孔父去國同王粲我生苦飄零所歷有嗟歎

水閣朝霽奉簡嚴雲安

東城抱春岑江閣鄰石面崔嵬晨雲白朝旭射芳甸  
 雨檻臥花叢風牀展書卷鈎簾宿鷺起丸藥流鶯轉  
 呼婢取酒壺續兒誦文選晚交嚴明府矧此數相見

夢李白

白坐永王璘事當誅會赦還潯陽復坐下獄  
死別已吞聲生別常惻惻江南瘴癘地逐客無消息  
故人入我夢爾我長相憶恐非平生覓路遠不可測  
魂來楓林青魂返關塞黑君今在羅網何以有羽翼  
落月滿屋樑猶疑照顏色水溪波浪闊無使蛟龍得  
浮雲終日行遊子久不至三夜頻夢君情親見君意  
告歸常局促苦道來不易江湖多風波舟楫恐失墜  
出門搔白首苦負平生志冠蓋滿京華斯人獨憔悴  
孰云網恢恢將老身反累千秋萬歲名寂寞身後事

前出塞

戚戚去故里悠悠赴交河公家有程期亡命嬰禍羅  
君已富土境開邊一何多棄絕父母恩吞聲行負戈  
出門日已遠不受徒旅欺骨肉恩豈斷男兒死無時  
走馬脫轡頭手中挑青絲捷下萬仞岡俯身試搃旗  
磨刀嗚咽水水赤刃傷手欲驚斷腸聲心緒亂已久  
丈夫誓許國憤惋復何有功名圖麒麟戰骨當速朽  
送徒既有長遠戍亦有身生死向前去不勞吏怒噴  
路逢相識人附書與六親哀哉兩沒絕不復同苦辛  
迢迢萬餘里領我赴三軍軍中異苦樂主將寧盡聞  
隔河見胡騎倏忽數百羣我時爲奴僕幾時樹功勳

挽弓當挽強用箭當用長射人先射馬擒賊先擒王  
殺人亦有限立國自有疆苟能制侵凌豈在多殺傷  
單于寇我壘百里風塵昏雄劍四五動被軍爲我奔  
虜其名王歸繫頸授韓門潛身備行列一勝何足論  
從軍十年餘能無分寸功衆人貴苟得欲語羞雷同  
中原有鬪爭况在狄與戎丈夫四方志安可辭固窮

後出塞

朝進東門營暮上河陽橋落日照大旗馬鳴風蕭蕭  
平沙列萬幕部伍各見招中天懸明月令嚴夜寂寥  
悲茄數聲動壯士慘不驕借問大將誰恐是霍嫖姚

獻凱日繼踵兩藩靜無虞漁陽豪俠地擊鼓吹笙竽  
雲帆轉遼海稷稻來東吳越羅與楚練照耀輿臺軀  
主將位益崇氣驕凌上都邊人不敢議議者死路衢

石壕吏

暮投石壕村有吏夜捉人老翁踰牆走老婦出門看  
吏呼一何怒婦啼一何苦聽婦前致詞三男鄴城戍  
一男附書至二男新戰死存者且偷生死者長已矣  
室中更無人唯有乳下孫孫有母未去出入無完裙  
老嫗力雖衰請從吏夜歸急應河陽役猶得備晨炊  
夜久語聲絕如聞泣幽咽天明登前途獨與老翁別

新婚別

兔絲附蓬麻引蔓故不長嫁女與征夫不如棄路傍  
結髮爲君嬪席不煖君床暮婚晨告別無乃太匆匆  
君行雖不遠守邊赴河陽妾身未分明何以拜姑嫜  
父母養我時日夜令我藏生女有所歸雞狗亦得將  
君今往死地沉痛迫中腸誓欲隨君去形勢反蒼黃  
勿爲新婚念努力事戎行婦人在軍中兵氣恐不揚  
自嗟貧家女久致羅襦裳羅襦不復施對君洗紅糝  
仰視白鳥飛大小必雙翔人事多錯迕與君永相望  
垂老別

四郊未寧靜垂老不得安子孫陣亡盡焉用身獨完  
投杖出門去同行爲辛酸幸有牙齒存所悲骨髓乾  
男兒旣介冑長揖別上官老妻臥路啼歲暮衣裳單  
熟知是死別且復傷其寒此去必不歸還聞勸加餐  
土門壁甚堅杏園度亦難勢異鄴城下縱死時猶寬  
人生有離合豈擇衰盛端憶昔少壯日遲迴竟長歎  
萬國盡征戍烽火被崗巒積屍草木腥流血川原丹  
何鄉爲樂土安敢尚盤桓棄絕蓬室居塌然摧肺肝

自京赴奉先縣詠懷凡五十韻

杜陵有布衣老大意轉拙許身一何愚竊比稷與契

居然成濩落白首甘契闊蓋棺事則已此志常覲豁  
窮年憂黎元歎息腸內熱取笑同學翁浩歌彌激烈  
非無江海志瀟灑送日月生逢堯舜君不忍便永謫  
當今廊廟具構廈豈云跛葵藿傾太陽物性固莫奪  
顧惟螻蟻輩但自求其穴胡爲慕大鯨輒擬偃溟渤  
以茲悟生理獨恥事干謁兀兀遂至今忍爲塵埃沒  
終愧巢與由未能易其節沈飲聊自適放歌頗愁絕  
歲暮百草零疾風高岡裂天衢陰崢嶸客子中夜發  
霜嚴衣帶斷指直不得結凌晨過驪山御榻在嵒嶮  
蚩尤塞寒空蹴踏崖谷滑瑤池氣鬱律羽林相摩戛

君臣雷歡娛樂動殷膠葛賜浴皆長纓與燕非短褐  
彤庭所分帛本自寡女出鞭撻其夫家聚斂貢城闕  
聖人筐篚恩實發邦國活臣如忽至理君豈棄此物  
多士盈朝廷仁者宜戰慄况聞內金盤盡在衛霍室  
中堂舞神仙煙霧濛玉質煖客貂鼠裘悲管逐清瑟  
勸客駝蹄羹霜橙壓香橘朱門酒肉臭路有凍死骨  
榮枯咫尺異惆悵難再述北轅就涇渭官渡又改轍  
羣水從西下極目高峯兀疑是崆峒來怒觸天柱折  
河梁幸未坼支撐聲窸窣行旅相攀援川廣不可越  
老妻既異縣十口隔風雪誰能久不顧庶往共飢渴

入門聞號咷幼子飢已卒吾寧捨一哀里巷亦嗚咽  
所媿爲人父無食致夭折豈知秋未登貧窶有倉卒  
生常免租稅名不隸征伐撫跡猶酸辛平人固騷屑  
默患失業徒因念遠戍卒憂端齊終南瀕洞不可掇

北征

皇帝二載秋閏八月初吉杜子將北征蒼茫問家室  
維時多艱虞朝野少暇日願慚私恩被詔許歸蓬蓽  
拜辭詣闕下怵惕久未出雖乏諫諍姿恐君有遺失  
君誠中興主經緯固密勿東胡反未已臣甫憤所切  
揮涕戀行在道途猶恍惚乾坤含瘡痍憂虞何時畢

靡靡踰阡陌人烟眇蕭瑟所遇多被傷呻吟更流血  
回首鳳翔縣旌旗晚明滅前登寒山重屢得飲馬窟  
郊郊入地底涇水中蕩潏猛虎立我前蒼崖吼時裂  
菊垂今秋花石戴古車轍青雲動高興幽事亦可悅  
山果多瑣細羅生雜橡栗或紅如丹砂或黑如點漆  
雨露之所潤甘苦齊結實緬思桃源內益歎身世拙  
坡陀望鄜峙谷巖互出沒我行已水濱我僕猶木末  
鷓鴣鳴黃桑野鼠拱亂穴夜深經戰場寒月照白骨  
潼關百萬師往者散何卒遂令半秦民殘害爲異物  
况我墮胡塵及歸盡華髮經年至茅屋妻子衣百結



言宗  
三夕集  
慟哭松聲迴悲泉共幽咽平生所嬌兒顏色白勝雪  
見爺背面啼垢膩脚不襪牀前兩小女補綻纔過膝  
海圖拆波濤舊繡移曲折天吳及紫鳳顛倒在短褐  
老夫情懷惡嘔洩臥數日那無囊中帛救汝寒慄慄  
粉黛亦解包衾裯稍羅列瘦妻面復光癡女頭自梅  
學母無不爲曉粧隨手抹移時施朱鉛狼藉畫眉闊  
生還對童稚似欲忘飢渴問事竟挽鬚誰能卽嗔喝  
翻忠在賊愁甘受雜亂聒新語且慰意生理焉得說  
至尊尚蒙塵幾日休練卒仰看天色改苟覺妖氛豁  
陰風西北來慘澹隨回紇其王願助順其俗喜馳突

送兵五千人驅馬一萬匹此輩少爲貴四方服勇沒  
所用皆鷹揚破敵過箭疾聖心頗虛佇時議氣欲奪  
伊洛指掌收西京不足拔官軍請漢入蓄銳何俱發  
此舉開青徐旋瞻略恆碣昊天積霜露正氣有肅殺  
禍轉亾胡歲勢成擒胡月胡命其能久皇綱未空絕  
憶昨狼狽初事與古先別姦臣競菹醢同惡隨蕩折  
不聞夏殷衰中自誅褒妲周漢獲再興宣光果明哲  
桓桓陳將軍仗鉞奮忠烈微爾人盡非于今國猶活  
淒涼大同殿寂寞白獸闈都人望翠華佳氣向金闕  
園陵固有神灑掃數不輟煌煌太宗業樹立甚宏達

壯遊

往昔十四五出遊翰墨場斯文崔魏徒以我似班揚  
七齡忠卽壯開口咏鳳皇九齡書大字有作成一囊  
性豪業嗜酒嫉惡懷剛腸脫略小時輩交結皆老蒼  
飲酣視八極俗物多茫茫東下姑蘇臺已具浮海航  
到今有遺恨不得窮扶桑王謝風流遠闔閭丘墓荒  
劔池石壁仄長洲芰荷香嵯峨閭門北清廟暎回塘  
每趨吳太伯撫事淚浪浪枕戈憶句賤渡浙想秦皇  
蒸魚聞七首除道哂要章越女天下白鏡湖五月涼  
剡溪蘊秀異欲罷不能忘歸帆拂天姥中歲貢舊鄉

氣劇屈賈壘目短曹劉牆忤下考功第獨辭京尹堂  
放蕩齊趙間裘馬頗清狂春歌鼓臺上冬獵青丘旁  
呼鷹皂櫪林逐獸雲雪崗射飛曾縱鞚引臂落鸞鷲  
蘇戾據鞍喜忽如攜葛強悵意八九年西歸到咸陽  
許與必詞伯賞遊實賢王曳裾置醴地奏賦入明光  
天子廢食名羣公會軒裳脫身無所愛痛飲信行藏  
黑貂寧免弊斑鬢兀稱觴杜曲晚耆舊四郊多白楊  
坐深鄉黨敬日覺死生忙朱門任傾奪赤族迭罹殃  
國馬竭粟豆宮雞輸稻粱舉隅見煩費引古惜興亡  
河朔風塵起岷山行幸長兩宮各警蹕萬里遙相望

崆峒殺氣黑少海旌旗黃禹功亦命子涿鹿親戎行  
翠華擁吳嶽螭虎噉豺狼爪牙一不中胡兵夏陸梁  
大軍載草草凋瘵滿膏肓備員竊補哀憂憤心飛揚  
上感九廟焚下憫萬民瘡斯時伏青蒲廷諍守御牀  
君辱敢愛虎赫怒幸無傷聖哲體仁恕宇縣復小康  
哭廟灰燼中鼻酸朝未央小臣議論絕老病客殊方  
鬱鬱苦不展羽翮困低昂秋風動哀壑碧蕙捐微芳  
之推避賞從漁父濯滄浪榮華敵勳業歲暮有嚴霜  
吾觀鴟夷子才格出尋常羣凶逆未定側佇英俊翔

宿花石戍

午舜空靈岑夕得花石戍岸疏開闢水木雜古今樹  
地蒸南風盛春熱西日暮四序本平分氣候何回互  
茫茫天造開理亂豈恆數繫舟盤藤輪杖策古樵路  
罷人不在村野圃泉自注柴扉雖蕪沒農器尚牢固  
山東殘逆氣吳楚守王度誰能叩君門下令減征賦

湘江宴饒襄二端公赴道州

白日照舟師朱旗散廣川羣公饒南伯肅肅秩初筵  
鄙人奉末眷珮服自早年義均骨肉地懷抱罄所宣  
盛名富事業無取愧高賢不以喪亂嬰保愛金石堅  
計拙百寮下氣蘇君子前會合苦不久哀樂本相纏

言  
交遊颯向盡宿昔浩茫然促觴激百慮揜抑淚潏潏  
熱雲集曛黑闕月未生天白團烏我破華燭蟠長煙  
鵝鶻催明星解袂從此旋上請減兵甲下請安井田  
永念病渴老附書遠山巔

遭田父泥飲美巖中丞

步履隨春風村村白花柳田翁逼社日邀我嘗春酒  
酒酣誇新尹畜眼未見有回頭指大男渠是弓弩手  
名在飛騎籍長番歲時久前日放營農辛苦救衰朽  
差科免則已誓不舉家走今年大作社拾遺能住否  
叫婦開大餅盆中爲吾取感此氣揚揚須知風化首

語多雖雜亂說尹終在口朝來偶然出自卯將及酉  
久客惜人情如何拒鄰叟齊聲索果栗欲起時被肘  
指揮過無禮未覺村野醜月出遮我雷仍噴問升斗

除草

草有害於人曾何生阻脩其毒甚蜂蠹其多彌道周  
清晨步前林江色未散憂芒刺在我眼焉能待高秋  
霜雪一霑凝蕙葉亦難留荷鋤先童稚日入仍討求  
轉置水中央豈無雙釣舟頑根易滋蔓敢使依舊丘  
自茲藩籬曠更覺松竹幽芟夷不可闕疾惡信如讎

義鵲行

陰崖有蒼鷹養子黑柏顛白蛇登其巢吞噬恣朝餐  
雄飛遠求食雌者鳴辛酸力強不可制黃口無半存  
其父從西歸翻身入長煙斯須領健鶻痛憤寄所宣  
斗上捩爪影嗷哮來九天脩鱗脫遠枝巨顛折老拳  
高空得蹭蹬短草辭蜿蜒折尾能一掉飽腸已皆穿  
生雖滅衆雛死亦垂千季物情有報復悵意貴目前  
茲實鷲鳥最急難心炯然功成失所往用舍何其賢  
近經瀟水滑此事樵夫傳飄蕭覺素髮凜凜欲衝儒冠  
人生許與分只在顧眄間聊為義鶻行用激壯士肝

送重表姪王砮評事使南海

我之曾老姑爾之高祖母爾祖未顯時歸為尚書婦  
隋朝大業末房杜俱交友長者來在門荒年自糊口  
家貧無供給客位但箕箒俄頃羞頗珍寂寥人散後  
人怪鬢髮空吁嗟為之久自陳剪鬢鬢鬢市充杯酒  
上云天下亂空與英俊厚向竊窺數公經綸亦俱有  
次問最少年虬髯十八九子等成大名皆因此人手  
下云風雲合龍虎一吟吼願展丈夫雄得辭兒女醜  
秦王時在坐真氣驚戶牖及乎貞觀初尚書踐台斗  
夫人常肩輿上殿稱萬壽六宮師柔順法則化妃后  
至尊均嫂叔盛事垂不朽鳳雛無凡毛五色非爾曹

往者胡作迤乾坤沸噉噉吾客在馮翊爾家同遁逃  
爭辱至徒步塊獨委蓬蒿逗邁熱爾腸十里却呼號  
自下所騎馬右持腰間刀左牽紫遊韁飛走使我高  
苟活到今日寸心銘佩牢亂離又聚散宿昔恨滔滔  
水花笑白首春草隨春袍廷評近要津節制收英髦  
北驅漢陽傳南汎上龍舸家聲肯墜地利器當秋毫  
番禹親賢領籌運神功操大夫出盧宋寶貝休脂膏  
洞主降接武海胡舶千艘我欲就丹砂跋涉覺身勞  
安能陷糞土有志乘鯨鼈或驂鸞騰天聊作鶴鳴臯

望嶽

南嶽配朱鳥秩禮自百王欲吸領地靈瀕洞半炎方  
邦家用祀典在德非馨香巡狩何寂寥有虞今則亾  
泊吾隘世網行邁越瀟湘渴日絕壁出漾舟清光傍  
祝融五峯尊峯峯次低昂紫蓋獨不朝爭長業相望  
恭聞魏夫人羣仙夾翱翔有時五峯起散風如飛霜  
牽迫恨修途未暇杖崇崗歸來覩命駕沐浴休玉堂  
三歎問府主曷以贊我皇牲璧忍衰俗神其患降祥  
秋行官張望耗稻遣女奴阿稽豎子阿段往問  
東渚雨今足佇聞秔稻香上天無偏頗蒲稗各自良  
人情見非類田家戒其荒功夫競捐捐除草置岸傍

穀者命之本客居安可忘青春具所務勤墾免亂常  
吳牛力容易並驅紛遊塲豐苗亦已穡雲水照方塘  
有生固蔓延靜一資隄防督領不無人提携頗在綱  
荆揚風土煖肅肅候微霜尚恐主守疎用心未甚臧  
清朝遣婢僕寄語踰崇岡西成聚必散不獨陵我倉  
豈要仁里譽感此亂世忙北風吹蒹葭蟋蟀近中堂  
桂苒百工休鬱紆遲暮傷

寄韋子春祕書

王季友

出山祕芸署山木已再春食我山中藥不憶山中人  
山中誰余密白髮日相親雀鼠晝夜無知我廚廩貧

有情盡捐棄土石爲周身依依舍北松不厭我南鄰  
夫子質千尋天澤枝葉新余以不材壽非智免斧斤

宿王昌齡隱居

常建

清溪深不測隱處但孤雲松際露微月清光猶爲君  
茅亭宿花影藥院滋苔紋余亦謝時去西山鸞鶴羣

江上琴興

江上調玉琴一絃清一心泠泠七絃遍萬木澄幽陰  
能使江月白又令江水淡始知枯桐枝可以徹黃金

閒齋臥病行藥至山館稍次湖亭

旬時結陰霖簾外初白日齋沐清病容心魂喪虛室

閒梅照前戶明鏡悲舊質同袍四五人何不來問疾

湖中晚霽

湖廣舟自輕江天欲澄霽是時清楚望氣色猶霾曠  
踟躕金霞白波上日初麗煙虹落鏡中樹木生天際  
杳杳崖欲辨濛濛雲復閉言乘星漢明又覩寰瀛勢  
微興從此愜悠然不知歲試歌滄浪清遂覽乾坤細  
豈念客衣薄將期永投棹遲迴漁火間一鴈聲嘹唳

西山

一身爲輕舟落日西山際常隨去帆影遠接長天勢  
物象歸餘清林巒分夕麗亭亭碧流暗日入孤霞繼

洲渚遠陰暎湖雲尚明霽林昏楚色來岸遠荆門閉  
至夜轉清迥蕭蕭北風厲沙邊鴈鷺泊宿處蒹葭蔽  
圓月逗前浦孤琴又搖曳冷然夜遂深白露霑人袂

空靈山應田叟

湖南無村落山舍多黃茅淳朴如太古其人居鳥巢  
牧童唱巴歌野老亦戲嘲泊舟問溪口言語皆啞咬  
土俗不尚農豈暇論肥瘠莫徭射禽獸浮客烹魚鮫  
余亦興置人獲麀今尚苞敬君中國來願以充其庖  
日入聞虎鬪空山滿哮哮懷人雖共安異域終難交  
白水可洗心採薇可爲穀拽策背落日江風鳴梢梢



白龍窟汎舟寄天台學道者

夕暎翠山淡餘暉在龍窟扁舟滄浪意淡淡花影沒  
西浮入天色南望對雲關因憶莓苔峯初陽濯玄髮  
泉蘿兩幽映松鶴間清越碧海瑩子神玉膏澤人骨  
忽然爲枯木微興遂如兀應寂中有天明心外無物  
環回從所汎夜靜猶不歇澹然意無限身與波上月

送楚十少府

微風吹霜氣寒影流前除落日未能別蕭蕭林木虛  
愁烟閉千里仙尉其何如因送別鶴操贈之雙鯉魚  
鯉魚在金盤別鶴哀有餘心事則如此請君開素書

白湖寺後谿宿雲門

落日山水清亂流鳴淙淙舊蒲雨抽節新花木對窻  
谿中日已沒歸鳥多爲雙杉松引直路出谷臨前湖  
洲渚晚色靜又觀花與蒲入溪復登嶺草淺寒流速  
圓月明高峯春山因獨宿松陰澄初夜曙色分遠目  
日出城南隅青青媚川陸亂花覆東廊碧氣銷長林  
四郊一清影千里歸寸心前瞻王程促却戀雲門深  
畢景有餘興到家彈玉琴

忠太古

元結

東南三千里沅湘爲太湖湖上山谷深有人多似愚

嬰孩寄樹巔就木捕鷓鱸所歡同鳥獸身意復向拘  
吾行遍九州此風皆已無吁嗟聖賢教不覺久踟躕

貧婦詞

誰知苦貧夫家有愁怨妻請君聽其詞能不爲酸悽  
所憐抱中兒不如山下麀空念庭前地化爲人吏蹊  
出門望山澤回頭心復迷何時見府主長跪向之啼

登殊亭作

時節方大暑試來登殊亭憑軒未及息忽若秋氣生  
主人既多間有酒共我傾坐中不相異豈限醉與醒  
漫歌無人聽浪語無人驚時復一回望心目出四溟

誰能守纓珮日與災患并請君誦此意令彼惑者聽

遊山寺

李華

捨事入樵逕雲木深谷口萬壑移晦明千峯轉前後  
巖然龍潭上石勢若奔走開拆秋天光崩騰萬雷吼  
靈溪自此去紆直互紛糾聽聲靜復喧色望無更有  
冥冥翠微下高殿映杉柳昔時秦王女羽化年代久  
日暮松風來簫聲生左右早窺神仙籙願結芝朮友  
安得羨門方青囊繫吾肘

汝濱示弟妹

沈千運

今日天氣暖東風杏花坼筋力久不如却羨礪中石

神仙杳難信中壽稀滿百近世多天傷喜見鬢髮白  
杖藜竹樹間宛宛舊行迹豈知林園主却是林園客  
兄弟所存半空爲亾者惜冥冥無再期哀哀望松柏  
骨肉能幾人年大自疎隔性情誰免此與我不相易  
惟念得爾輩時看慰朝夕平生茲已矣此外盡非適

古輓歌

趙徵明

寒日蒿上明淒淒郭東路素車誰家子丹旄引將去  
原下荆棘叢叢邊有新墓人生痛長別此是長別處  
曠野何蕭蕭風悲白楊樹

山中春思

獨孤及

懶祭川水大人家春日長獨謠晝不暮搔首慚年芳  
靡草知節換含葩向新陽不嫌三逕深爲我生池塘  
亭午井竈閑雀聲響空倉花落沒屐齒風動羣木香  
歸路雲水外天涯杳茫茫獨卷萬里心深入山鳥行  
芳景勿相迫春愁未遽忘

題恩禪寺上方

谿口聞法鼓停橈登翠屏攀雲到金界合掌開禪局  
鬱律衆山抱空濛花雨零老僧指香樓云是不死亭  
渺渺于越路茫茫春草青遠峯噴百谷繚繞馳東溟  
目極想何在鏡照心亦冥下視三界狹但聞五濁腥

山中有良藥吾欲墮天刑

會稽王處士草堂壁畫衡霍諸山 劉長卿

粉壁衡霍近羣峯如可攀能令堂上客見盡湖南山  
青翠數千仞飛來方丈間歸雲無處滅去鳥何時還  
勝事日相對主人常獨閒稍看林壑晚佳氣生重關  
幽琴詠上禮部侍郎

月色滿軒白琴聲空夜闌冷冷七絃上靜聽松風寒  
古調雖自愛今人多不彈爲君投此曲所貴知音難

南楚懷古

南國久蕪沒我來空鬱陶君看章華宮處處生蓬蒿

但見陵與谷豈知賢與豪精蒐托古木寶劍捐江臯  
倚棹下晴景迴舟隨晚濤碧雲暮寥落湖上秋天高  
往事那堪問此心徒自勞獨餘湘水上千載聞離騷

陪元侍御遊支硎寺

支公去已久寂寞龍華會古木閉空山蒼然暮相對  
林巒非一狀木石有餘態密竹藏晦明羣峯爭向背  
峯峯帶落日步步入青靄香氣空翠中猿聲暮雲外  
畱連南臺客想像西方內因逐溪水還觀心兩無礙  
江中晚釣寄荆南一二相識

楚郭微雨收荆門遙在目漾舟水雲裏日暮春江綠

言宗 卷之九  
霽華靜洲渚暝色連松竹月出波上時人歸渡頭宿  
一身已無累萬事復何欲漁父自夷猶白鷗不羈束  
既憐滄浪水更愛滄江曲不見眼中人相思心斷續

題王少府堯山隱處簡陸番禺

故人滄洲吏淡與世情薄解印二十年委身在丘壑  
買田楚山下妻子自畊鑿羣動心有營孤雲意無著  
因收溪上釣遂接林中酌對酒春日長山村杏花落  
陸生番禺令獨步建安作早晚休此官隨君永栖託

登樓靈寺塔

化塔凌空虛雄勢壓山澤亭亭楚雲外千里看不隔

遙對黃金臺浮暉亂相射盤梯接元氣半壁樓月白  
稍登諸劫盡若騁排雲翮向是滄洲人已爲青雲客  
雨飛千栱霽日落萬家夕鳥處高却低天涯遠如逼  
江雲入空翠海嶠見微碧向暮期下來誰堪復行役

相逢行

韋應物

二十登漢朝英聲邁今古適從東方來又欲謁明主  
猶酣新豐酒尚帶灞陵雨邂逅兩相逢別來問寒暑  
寧知白日晚暫向花間語忽聞長樂鐘走馬東西去

行行重行行

辭君遠行邁飲此長恨端已謂道里遠如何中險艱

流水赴大壑孤雲還莫山無情尚有歸行子何獨難  
驅車背鄉國朔風卷行跡嚴冬霜斷肌日入不遑息  
憂患容鬢改寒暑人事易中心君詎知冰玉徒貞白  
青青河畔草

西北有高樓

黃鳥何關關幽蘭亦靡靡此時深閨婦日照紗牕裏  
娟娟雙青蛾微微啓玉齒自惜桃李年誤身遊俠子  
無事久別離不知今生死

綺樓何氛氳朝日正杲杲四壁含清風丹霞射其牖  
玉顏上哀嚶絕耳非世有但感離恨情不知誰家婦  
孤雲忽無色邊馬爲廻首曲絕碧天高餘聲散秋草  
徘徊帷中意獨夜不堪守思逐朔風翔一去千里道

明月何皎皎

白日淇上沒空閨生遠愁寸心不可限淇水長悠悠  
芳樹正妍鬱春禽自相求徘徊東西廂孤妾誰與儔  
季華逐絲淚一落俱不收

雜體

沉沉匣中鏡爲此塵垢蝕輝光何所如月在雲間黑  
南金旣雕錯鞶帶共輝飾空存鑑物明坐使媿妍惑  
美人竭肝膽忠照冰玉色自非磨瑩功日日空嘆息

春羅雙鴛鴦出自寒夜女心精烟霧色指歷千萬緒  
長安貴豪室妖豔不可數裁此百日功唯將一朝舞  
舞罷復裁新豈患勞者苦

同聲自相應體質不必齊誰知賈人鐸能使大樂諧  
鏗鏘發宮徵和樂變其哀人神既昭享鳳鳥亦不來  
豈非至賤物一奏升天階物情苟有合莫問玉與泥  
碌碌荆山璞卞和獻君門荆璞非有求和氏非有恩  
所獻知國寶至公不待言是非吾欲默此道今豈存  
與友生野飲效陶體

携酒花林下前有千載墳於是不共酌奈此泉下人  
始自玩芳物行當念祖春聊舒遠世蹤坐望還山雲  
且遂一歡笑焉知貴與貧

效陶彭澤

霜落悴百草時菊獨妍華物性有如此寒暑其奈何  
掇英汎濁醪日入會田家盡醉茅檐下一生豈在多

慈恩伽藍清會

素友俱薄世屢招清景賞鳴鐘悟音聞宿昔心已往  
重門相洞達高宇亦遐朗嵐嶺曉城分清陰夏條長  
氤氛芳臺馥蕭散竹地廣平荷隨波泛迴飆激林響  
蔬食遵道侶泊懷遺滯想何彼塵昏人區區在天壤

晦日處士叔園林燕集

遠看蕙葉盡坐闕芳年賞賴此林下期清風滌煩想  
始萌動新照佳禽發幽響嵐嶺對高齋春流濯蔬壤  
樽酒遺形迹道言屢開獎幸蒙終夕權聊用稅歸鞅

扈亭西陂燕賞

杲杲朝陽時悠悠清陂望嘉樹始氤氳春遊方浩蕩  
况逢文翰侶愛此孤舟漾綠野際遙波橫雲分疊嶂  
公堂日為倦幽襟自茲曠有酒今滿盈願君盡弘量

西郊燕集

濟濟衆君子高燕及時光羣山藹遐矚綠野布熙陽

列坐遵曲岸披襟襲蘭芳野庖薦嘉魚激礪泛羽觴  
衆鳥鳴茂林綠草延高崗盛時易祖謝浩思坐飄揚  
眷言同心友茲遊安可忘

春宵燕萬年吉少府中孚南館

始見斗柄迴復茲霜月霽河漢上縱橫春城夜迢遞  
賓筵接時彥樂宴凌芳歲稍愛清觴滿仰歎高文麗  
欲去返郊扉端爲一歡滯

贈李儋

絲桐本異質音響合自然吾觀造化意二物相因緣  
誤觸龍鳳嘯靜聞寒夜泉心神自安宅煩慮頓可捐



何因知久要絲白漆亦堅

寄馮著

春雷起萌藝土壤日已疎胡能遭盛明才俊伏里閭  
偃仰遂真性所求惟斗儲披衣出茅屋盥漱臨清渠  
吾道亦自適退身保玄虛幸無職事牽且覽按上書  
親友各馳騫誰當訪弊廬忠君在何夕明月照廣除  
淮上卽事寄廣陵親故

前舟已渺渺欲渡誰相待秋山起暮鍾楚雨連滄海  
風波離患滿宿昔容鬢改獨鳥下東南廣陵何處在  
同德寺雨後寄元侍御李博士

川上風雨來須臾滿城闕峇嶢青蓮界蕭條孤興發  
前山遽已淨陰靄夜來歇喬木生夏涼流雲吐華月  
嚴城自有限一木非難越相望曙河遠高齋坐超忽

寄子西

夏景已難度懷賢患方續喬樹落疎陰微風散炎燠  
傷離枉芳札忻遂見心曲藍上舍已成田家雨新足  
託鄰素多欲殘秩猶見東日夕上高齋但望東原綠

獨遊西齋寄崔主簿

同心忽已別昨事方成昔幽逕還獨尋綠苔見行跡  
秋齋正蕭散煙水易昏夕憂來結幾重非君不可釋

園林晏起寄昭應韓明府盧主簿

田家已畊作井屋起晨煙園林鳴好鳥閑居猶獨眠  
不覺朝已晏起來望青天四體一舒散情性亦欣然  
還復茅檐下對酒思數賢束帶理官府簡牘盈目前  
當念中林賞覽物徧山川士非遇明世庶以道自全

寄暢當

寇賊起東山英俊方未閒聞君新應募籍籍動京關  
出身文翰場高步不可攀青袍未及解白羽插腰間  
昔爲瓊樹姿今有風霜顏秋郊細柳道走馬一夕還  
丈夫當爲國破敵如摧山何必事州府坐使鬢毛斑

寄全椒山中道士

今朝郡齋冷忽念山中客礪底束荆薪歸來煮白石  
欲持一罇酒遠慰風雨夕落葉滿空山何處尋行迹

西澗卽事示盧陟

寢扉臨碧澗晨起澹忘情空林細雨至圓文遍水生  
永日無餘事山中伐木聲知子塵喧久暫可散煩纓

送李十四山東遊

聖祖有遺逸披膽謁至尊豈是質榮寵誓將救元元  
權豪非所便書奏寢禁門高歌長安酒忠憤不可吞  
欲來客河洛日與靜者論濟世翻小事丹砂駐精魂

東遊無復繫梁楚多大藩高論動侯伯疎懷脫塵喧  
送君都門野飲我林中尊立馬望東道白雲滿梁園  
踟躕欲何贈空是平生言

燕別幼遐與君貺兄弟

乖闕意方弭安知忽來翔累日重歡燕一旦復離傷  
置酒慰茲夕秉燭坐華堂契活未及展晨星出東方  
征人慘已辭車馬儼成裝我懷自無歡原野滿春光  
羣木含時澤野雉鳴朝陽平生有壯志不覺淚沾裳  
况自守空宇日夕但彷徨

送元錫楊凌

荒林翳山郭積水成秋晦端居意自違况別親與愛  
懼筵嫌未足離燈悄已對還當捨郡閣佇君方此會

謝盧嵩秋夜見寄

喬木生夜涼月華滿前墀去君咫尺地勞君千里忠  
素秉栖遁志况貽招隱詩坐見林木榮願赴滄洲期  
何能待歲晏攜手當此時

長安遇馮著

客從東方來衣上灞陵雨問客何為來采山因買斧  
冥冥花正開颺颺燕新乳昨別今已暮鬢絲生幾縷  
逢楊開府

少事武皇帝無賴恃恩私身作里中橫家藏亡命兒  
朝持搏捕局暮竊東鄰姬司隸不敢捕立在白玉墀  
驪山風雪夜長楊羽獵時一字都不識飲酒肆頽癡  
武皇升仙去憔悴被人欺讀書事已晚把筆學題詩  
兩府始收迹南宮謬見推非才果不容出守撫惇葵  
忽逢楊開府論舊涕俱垂坐客何由識惟有故人知  
有所思

借問堤上柳青青爲誰春空遊昨日地不見昨日人  
繚繞萬家井往來車馬塵莫道無相識要非心所親  
暮相思

朝出自不還暮歸花盡發豈無終日會惜此花間月  
空館忽相思微鍾坐來歇

春中憶元二

雨歇萬井春柔條已含綠徘徊洛陽陌惆悵杜陵曲  
游絲正高下啼鳥還斷續有酒今不同思君瑩如玉

經函谷關

洪河絕山根單軌出其側萬古爲要樞往來何時息  
秦皇旣恃險海內被吞食及嗣同覆顛咽嗟莫能塞  
炎靈距西駕婁子非經國徒欲扼諸侯不知恢至德  
聖朝及天寶豺虎起東北下沈戰士魂上結窮冤色

古今雖共守成敗良可識藩屏無俊賢金湯獨何力  
馳車一登眺感慨中自慚

對芳樹

迢迢芳園樹列映清池曲對此傷人心還如故時綠  
風條灑餘露露葉承新旭佳人不再攀下有往來躅

夏日

已謂心苦傷如何日方永無人不晝寢獨坐山中靜  
悟澹將遣慮學空庶遺境積俗易爲侵愁來復難整

林園晚霽

雨歇見青山落日照林園山夕煙鳥亂林青風景翻

提携惟子弟蕭散在琴尊同遊不同賞耿耿獨傷魂  
寂寞鍾已盡如何還入門

秋夜

庭樹轉蕭蕭陰蟲還戚戚獨向高齋眠夜間寒雨滴  
微風時動牖殘燈尚留壁惆悵平生懷偏來委今夕

觀早朝

伐鼓通嚴城車馬溢廣躔煌煌列明燭朝服照華鮮  
金門杳溪沈尚聽清漏傳河漢忽已沒司闈啓晨關  
丹殿據龍首崔嵬對南山寒生千門裏日照雙闕間  
禁旅下城列鑪香起中天輝輝睹明聖濟濟行俊賢

愧無鷓鴣姿短翮空飛還誰當假毛羽雲路相追攀

龍門遊眺

鑿山導伊流中斷若天關都門遙相望佳氣生朝夕  
素懷出塵意適有攜手客精舍繞層阿千龕鄰峭壁  
緣雲路猶緬憇礪鍾已寂花樹發烟華淙流散石脈  
長笑招遠風臨潭漱金碧日落望都城人間何役役

西郊遊矚

東風散餘沍陂水淡已綠年芳何處尋香靄春山曲  
新禽弄暄節晴光泛嘉木一與諸君遊華觴忻見屬  
與幼遐君旣兄弟同遊白家竹潭

清賞非素期偶遊方自得前登絕嶺險下視春潭黑  
密竹已成暮歸雲殊未極春鳥依谷喧紫蘭含幽色  
已將芳景遇復款平生憶終念一懽別臨風還默默

觀田家

微雨衆卉新一雷驚藝始田家幾日間耕種從此起  
丁壯俱在野場圃亦就理歸來景當晏飲犢西礪水  
飢劬不自苦膏澤且爲喜倉廩無宿儲徭役猶未已  
方慙不畊者祿食出閭里

春遊南亭

川明氣已變巖寒雲尚擁南亭草心綠春塘泉脈動

景煦聽禽響雨餘看柳重逍遙池塘華益愧專城寵

與盧陟同遊永定寺北池僧齋

密竹行已遠子規啼更淡綠池芳草氣閒齋春樹陰  
晴蝶飄蘭徑遊蜂遠花心不遇君携手誰復此幽尋

秋景詣琅琊精舍

屢訪塵外蹤未窮幽賞情高秋天景遠始見山水清  
上陟巖殿憇暮看雲聲平蒼茫寒色起迢遞晚鐘鳴  
意有清夜戀身為符守嬰悟言緇衣子瀟灑中林行

東郊

吏舍踞終年出郊曠清曙楊柳散和風青山澹吾慮

依藜適自憇緣澗還復去微雨靄芳原春鳩鳴何處  
樂幽心屢止遵事跡已遠終罷斯結廬慕陶真可庶

行寬禪師院

北望極長廊斜扉映叢竹亭午一來尋院幽僧亦獨  
惟聞山鳥啼愛此林下宿

藍嶺精舍

石壁精舍高排雲聊直上佳遊愜始願忘險得前賞  
厓傾景方晦谷轉川如掌綠林含靄條飛閣起弘敞  
道人上方至淡夜還獨往日落羣山陰天秋百泉響  
所嗟累已成安得長偃仰

澄秀上座院

繚繞西南隅鳥聲轉幽靜秀公今不在獨禮高僧影  
林下器未收何人適煮茗

起度律師同居東齋院

釋子喜相偶幽林俱避喧安居同僧夏清夜諷道言  
對閣景恆晏步庭陰始繁逍遙無一事松風入南軒

起南齋

池上鳴佳禽僧齋日幽寂高林晚露清紅藥無人摘  
春木不生煙荒崗筠翳石不應朝夕遊良爲蹉跎客

任洛陽丞請告

方鑿不受圓直木不爲輪揆才各有用反性生苦辛  
折腰非吾事飲水非吾貧休告臥空館養病絕囂塵  
游魚自成族野鳥亦有羣家園杜陵下千載心氛氲  
天晴嵩山高雪後河洛春喬木猶未芳百草日已新  
著書復何爲當去東臯耘

幽居

貴賤雖異等出門皆有營獨無外物牽遂此幽居情  
微雨夜來過不知春草生青山忽已曙鳥雀繞舍鳴  
時與道人偶或隨樵者行自當安蹇劣誰謂薄世榮

新理西齋



方將恥訟理久翳西齋居草木無行次閒暇一莖除  
春陽土脈起膏澤發生初養條刊朽枿護藥鋤穢蕪  
稍稍覺林鶯歷歷忻竹疎始見庭宇曠頓令煩抱舒  
茲焉即可愛何必是吾廬

野居

結髮層彝秩立身本疎慢今得罷守歸幸無世欲患  
栖止但偏僻嬉遊無早晏逐兔上坡岡捕魚緣赤澗  
高歌意氣在貰酒貧居慣時啓北牕扉豈將文墨間

西圃種柳

宰邑乖所願俛仰媿昔人聊將休暇日種柳西澗濱

置錫息微倦臨流睇歸雲封壤自人力生條在陽春  
成陰豈自取爲茂屬佗辰延詠畱嘉賞山水變夕曛

谷口新居寄同省朋故

錢起

種黍傍烟溪榛蕪兼沮洳亦知生計薄所貴隱身處  
橡栗石上林莓苔水中路蕭然授衣日得此還山趣  
汲井愛秋泉結茅因古樹閒雲與幽鳥對我不能去  
寄謝鸕鷀羣狎鷗拙所慕

過沈氏所居

雞鳴孤煙起靜者能卜築喬木出雲心閒門掩山腹  
貧交喜相見把臂歡不足空林留宴言永日清耳目

泉聲冷罇俎荷氣香僮僕往往仙犬鳴樵人度溪竹  
酒酣出谷口世網何羈束始願今不從區區折腰祿

玉山東溪題李叟屋壁

霞景已斜照烟溪方暝投山家歸路僻轍迹亂泉流  
野老採薇暇蝸廬招客幽麈麈突荒院鷓鴣步間疇  
偶此愜真性令人輕宦遊

登勝果寺南樓雨中望嚴協律

微雨侵晚陽連山半藏碧林端陟香榭雲外遲來客  
孤邨凝片雨去水生遠白但佳川原趣不覺城池夕  
更喜眼中人清光漸咫尺

早渡伊水見舊作

昆雞鳴曙霜秋水寒旅涉漁人昔鄰舍相見具舟楫  
出浦興未盡向山心更愜邨落通白煙葑茨隱紅葉  
東臯滿時稼歸客欣復業

東臯早春寄郎四校書

祿微賴學稼歲起歸衡茅窮達戀明主耕桑亦近郊  
夜來霽山雪陽氣動林梢萌蕙暖初吐春鳩鳴欲巢  
蓬萊時入夢知子憶貧交

杪秋南山西峯題準上人蘭若

向山看霽色步步豁幽性返照亂流明寒空千嶂淨

石門有餘好霞殘月欲映上詣遠公廬孤峯懸一逕  
雲裏隔窻火松間下山磬客到兩忘言須心與禪定  
南溪休沐寄趙八給事

蟲鳴歸舊里田野秋農閑即事敦宿尚衡門方再關  
夕陽入東籬爽氣高前山霜蕙後時老巢禽知暝還  
侍臣黃樞寵鳴玉青雲間肯想觀魚處寒泉照髮斑

藍田溪與漁者宿

獨遊屢忘歸况此隱淪處濯髮清冷泉月明不能去  
更憐垂綸叟靜若沙上鷺一論白雲心千里滄洲趣  
蘆中夜火盡浦口秋山曙歎惜分枝禽何時更相遇

田園雨後贈鄰人

安排常任性偃臥晚開戶樵客荷蓑歸向來春山雨  
殘雲虹未落返照霞初吐時鳥鳴村墟新泉繞林圃  
堯年尚恬泊隣里成太古室邇人遂遙相思怨芳杜

秋夜作

萬計各無成寸心日悠漫浮生竟何窮巧曆不能算  
流落四海間辛勤百季半商歌向秋月哀韻兼浩歎  
寤寐怨佳期美人隔霄漢寒雲度窳木別業遠垂幔  
聽中問談雞長夜何時旦

李祭酒別業俯視川林前對雷宙

南山轉臺木昏曉擁山翠小澤近龍居青蒼常雨氣  
君家北原上千金買勝事丹闕退朝回白雲迎賞至  
新晴村落外處處煙景異片水明斷崖餘霞入古寺  
東泉指歸翼月盡有餘意

奉使採箭幹竹谷中晨興赴嶺

孤客倦夜坐聞猿乘早發背溪已斜漢登棧尚殘月  
重峯轉爽森幽步更超越雲不聳鶴巢風蘿掃虎穴  
人羣徒自遠世役終難歇入山非買山採竹異採蕨  
誰見子牟意悃勞書魏闕

同吉中孚夢桃源

盧綸

春雨夜不散夢中山亦陰雲中碧潭水路暗紅花林  
花木自淡淡無人知古今

適谷口元贊善所居

李端

入谷訪君來秋泉已堪涉林間人獨坐月下出相接  
重露濕蒼苔明燈照黃葉故交一不見素髮何稠疊

過王山人舊居

耿漳

故宅春山中來遲夕陽入汲少井味變開稀戶樞澀  
樹朽鳥不栖堦閑雲自溼先生何處去惆悵空獨立

硤州旅舍奉懷蘇州韋郎中

令狐峒

儒服學從政遂爲塵事嬰銜命東復西孰堪里鄉情

懷祿且懷恩策名敢逃名羨彼農畝人白首親友并  
江山入秋畫草木彫晚榮方塘寒露凝旅館涼飈生  
懿交守東吳夢想聞頌聲雲木方浩浩離憂何時平  
弋陽谿中望仙人城  
顧况

南州行

余延壽

搖艇至南國國門連大江中洲兩邊岸數步一垂楊  
金釧越谿女羅衣胡粉香織綠春卷幔探葭暝提筐  
自有無還心隔波望松雪

弄琴嬌垂幌迎人笑下堂河頭浣衣處無數紫鴛鴦

入白芝尋黃尊師

于鵠

觸烟入溪口茫茫惟樵樵其中飛碧流十里不通屐  
出林尚未明細徑懸峭壁把藤借行勢光滑後採跡  
忽然風景異乃到神僊宅天晴茅屋頭殘雪蒸氣白  
隔窻梳髮聲久立聞吹情抱琴出門來不是人間客  
幽院無灑掃四時自虛寂落葉埋長松出地纔數尺  
曾讀上清經去住長生籍願示不死方何山有瓊液

過凌霄斷天謁張先生祠

落落萬峯裏一峯獨凌天下看如尖高上有十里天

至人愛幽淡一住五十年懸牘到其上乘牛畊藥田  
衣食不下求乃是雲中仙山僧獨知處相引衝碧煙  
斷崖書昏黑流泉橫雙椽面壁攀石稜養力方敢前  
累歌日初沒始到葑堂邊見客不問誰禮質無周旋  
醉臥枕敲樹坐寒展青氈折松埽藜牀秋菓顏色鮮  
白犬舐客衣驚走聞腥羶乃知軒冕徒寧比雲壑眠

山行書事

長孫佐輔

日落風颼颼驅車行遠郊中心有所悲古墓守黃茅  
茅中狐狸窠四面烏鳶巢鬼火時獨出人烟不相交  
行行近林村一逕敲還坳迎雲聽蟋蟀向月看蠨蛸

翁喜客來坐客來羞厨庖濁醪誇發燈時菓仍新苞  
相勸對寒燈呼兒藝枯樵雅朴頗近古其言無斗筭  
憂歡世上并歲月途中拋誰知問津客空作揚雄嘲

晚渡揚子江却寄江南親故

權德輿

返照滿寒流輕舟任搖蕩支頤見千里煙景非一狀  
遠岫有無中片帆風水上天清去鳥滅浦迴寒沙漲  
樹晚疊秋嵐江空翻宿浪曾中千萬慮到此一清曠  
回首碧雲淡佳人不可望

訓湖州崔郎中見寄

劉禹錫

風箏吟秋空不肖指爪聲高人靈府間律呂伴咸英

昔年與兄遊文似馬長卿今來寄新詩乃類陶淵明  
磨礮老益智吟咏閒彌精豈非山水鄉蕩漾神機清  
渚煙蕙蘭動溪雨虹蜺生馮君虛上舍待余乘興行

團扇歌

團扇復團扇奉君清暑殿秋風入庭樹從此不相見  
上有乘鸞女蒼蒼網蟲遍明年入懷袖別是機中練

晨詣超師院讀禪經

柳宗元

汲井漱寒齒清心拂塵服閒持貝葉書步出東齋讀  
真源了無取妄迹世所逐遺言冀可冥繕性何由熟  
道人庭宇靜苔色連深竹日出霧露餘青松如膏沐

澹然離言說悟悅心自足

法華寺石門精舍三十韻

拘情病幽鬱曠志寄高爽願言懷名緇東峯旦夕仰  
始欣雲雨霽尤悅草木長道同有愛弟披拂恣心賞  
松溪碎窺入石棧夤緣上蘿葛綿層薈莓苔侵標牘  
密林互對聳絕壁儼雙敞暫峭出蒙籠墟嶮臨滉漾  
稍疑地脈斷悠若天梯往結構罩羣崖廻環驅萬象  
小劫不逾瞬大千若在掌體空得化元觀有遺細想  
喧煩困蟻蠓跼踖疲翹翹寸進諒何營尋直非所枉  
撲奇極遙矚窳妙閱清響理會方在今神開庶殊曩

茲遊苟不嗣浩氣竟誰養道異誠所希名實匪余仗  
 超摠藉外獎俛默有內朗鑑爾捐古風終焉乃吾黨  
 潛軀委韁鎖高步謝塵埃蓄志徒為勞追蹤將焉倣  
 淹留值頽暮眷戀睇返壤映日鴈聯軒翻雲波決萍  
 殊風紛已萃鄉路悠且廣羈木畏漂浮離旌倦搖蕩  
 昔人歎違志出處今已兩何用期所歸浮圖有遺像  
 幽蹊不盈尺虛室有函文微言信可傳申且稽吾顙

遊朝陽巖遂登西亭二十韻

謫棄殊隱淪登陟非遠郊所懷緩伊鬱詎欲肩夸巢  
 高巖瞰清江幽窟潛神蛟開曠延陽景迴薄攢林梢

西亭構其巔仄宇臨呀庠背瞻星辰興下見雲雨交  
 惜非吾鄉土得以蔭青茅羈貫去江介世仕尚函峭  
 故墅即澧川數畝均肥磽臺館葺荒邱池塘疏沈坳  
 會有圭組戀遂貽山林嘲薄軀信無庸瑣屑劇斗筲  
 囚居固其宜厚羞久已包庭除植蓬艾隙牖懸蟪蛄  
 所賴山水客扁舟在長梢挹流敵清觴掇楚代嘉肴  
 適道有高言取樂非絃匏逍遙屏幽味澹薄辭喧呶  
 晨雞不余期風雨聞嚶嚶再期永日閒提挈移中庖

南澗中題

秋氣集南澗獨遊亭午時迴風一蕭瑟林影久參差



始至若有得稍淡遂忘疲羈禽響幽谷寒藻舞淪漪  
去國竟已遠懷人淚空垂孤生易爲感失路少所宜  
索寞竟何事徘徊祇自知誰爲後來者當與此心期

與崔策登西山

鶴鳴楚山靜露白秋江曉連袂度危橋縈迴出林杪  
西岑極遠目毫末皆可了重疊九疑高微茫洞庭小  
迴窮兩儀際高出萬象表馳景汎頽波遙風遞寒篠  
謫居安所習稍厭從紛擾生同胥靡遺壽等彭鏗天  
蹇連困顛踣思蒙怯幽眇非令親愛疎謹使心神悄  
偶茲遁山水得以觀魚鳥吾子幸淹留緩我愁腸繞

覺衰

久知老會至不謂復見侵今季空未衰稍已來相尋  
齒疎髮就種奔走力不任咄此可奈何未必傷我心  
彭聃安在哉周孔亦已沈古稱壽聖人曾不留至今  
但願得美酒朋友常共斟是時春向暮桃李生繁陰  
日照天正碧杳杳歸鴻吟出門呼所親扶杖登西林  
高歌足自快商頌有遺音

遊南亭夜還敘志七十韻

夙抱邱壑尚率性恣遊遨中爲吏役牽十祀空惰勞  
外曲徇塵轍私心寄英髦進乏廊廟器退非鄉曲豪

天命斯不易鬼責將安逃屯難果見凌剝喪空所遭  
神明固浩浩衆口徒嗷嗷投迹山水地放情咏離騷  
弄懷曩歲期容與馳輕舸虛館背山郭前軒面江臯  
重疊間浦敘遷迤驅巖菽積翠浮澹灑始疑負靈鼇  
藜林畱衝翹石磔迎飛濤曠朗天景霽樵蘇遠相號  
澄潭湧沈鷗半壁跳懸樛鹿鳴驗食墊魚樂知觀濠  
孤賞誠所悼暫欣良足袞畱連俯櫺檻注我壺中醪  
朶頤進芟實擢手持蟹螯炊稻視爨鼎繪鮮聞操刀  
楚蔬盈傾筐頗雜池沼芼緬慕鼓柷翁嘯詠哺其糟  
退想於陵子三烟資李燔斯道難爲偕沈憂安所韜

曲渚怨鴻鵠環洲彫蘭華暮景廻西岑北流逝滔滔  
徘徊遂昏黑遠火明連艘木落寒山靜江空秋月高  
斂枝戒還徒善游矜所操趣淺戢長柹乘淡屏輕篙  
曠望援溪竿哀歌叩鳴艚中川恣超忽漫若翔且翱  
淹迫遂所止楚風自颺颺矚急驚鱗奔蹊荒飢獸嗥  
入門守拘繫悽戚增鬱陶慕士情未忘懷人首徒搔  
內顧乃無有德輶甚鴻毛名竊久自欺食浮固云叨  
問牛悲鸞鐘說堯驚臨牢永遁刀筆吏寧期簿書曹  
中興遂產物裂壤分鞬囊岷凶旣云捕吳虜亦已縶  
并禦盛方虎謨明富伊咎披山竄木末駕海逾蟠桃

重來越裳雉再返西旅葵左右抗槐棘縱橫羅鴈羔  
五辟咸肆宥衆生均覆燾安得奉皇靈在宥解天弢  
歸誠慰松梓陳力開蓬蒿卜室有鄩社名田占澧澇  
磻溪近餘基阿城連故壕螟蛉願親燎茶董甘自藟  
飢食期農耕寒衣埃蠶繰及斝足爲溫滿腹寧復饗  
安將蒯及管誰慕梁與膏弋林歐雀鷁漁澤從鮪魴  
觀象嘉素履陳詩謝于旄方託麋鹿羣敢同騏驥槽  
處賤無溷濁固竊匪淫怡踉蹌奔束縛悅擇換煎熬  
登年徒負版興役趨伐馨目眩絕渾渾耳喧息嘈嘈  
茲焉畢餘命富貴非吾曹長沙哀糾纏漢陰嗜桔槔

苟伸擊壤情機事息秋毫海霧多翳鬱越風饒腥臊  
寧惟迫魑魅所懼齊煮蔗知營懷楮中范叔戀絺袍  
伊人不可期慷慨徒怛怛

韋道安

道安本儒士頗擅弓劍名二十遊太行暮聞號哭聲  
疾馳前致問有安垂華纓言我故刺史失職還西京  
偶爲羣盜得毫縷無餘贏貨財非足愴二女皆娉婷  
蒼黃見驅逐誰識死與生便當此殞命休復事晨征  
一聞激高義皆裂肝膽橫挂弓問所往趨捷迨崢嶸  
見盜寒礪陰羅列方忿爭一矢斃酋帥餘黨號且驚

言  
一  
麾令遞束縛纆索相拄撐彼姝久櫛魄刃下俟誅刑  
却立不親授諭以從父行捃收自擔肩轉道趨前程  
夜爰敲石火山林如畫明父子更抱持涕血紛交零  
頓首願歸貨納女稱舅甥道安奮衣去義重利固輕  
師婚古所病合姓非用兵竭來事儒術十載所能逞  
慷慨張徐州朱邱揚前旌投軀獲所願前馬出王城  
轅門立奇士淮水秋風生君侯既卽世麾下相敬傾  
立孤抗王命鐘鼓四野鳴橫潰非所壅逆節非所嬰  
舉頭自引刃願義誰顧形烈士不忘死所死在忠貞  
咄嗟狗權子翕習非趨榮我歌非悼死所悼時世情

早携謝山人至愚池

新沐換輕幘曉池風露清自諧塵外意况與幽人行  
霞散衆山迴天高數鴈鳴機心付當路聊適義皇情  
獨覺

覺來窻牖空寥落雨聲曉良遊怨遲暮末事驚紛擾  
爲問經世心古人難盡了

首春逢耕者

南楚春候早餘寒已滋榮土膏釋原野百藝競所營  
綴景未及郊穡人先耦畊園林幽鳥轉渚澤新泉清  
農事誠素務羈囚阻平生故池想蕪沒遺畝當榛荆

暮隱既有繫圖功遂無成聊從田父言款曲陳此情  
眷然撫耒耜回首烟雲橫

溪居

久為簪組累幸此南夷謫閒依農圃隣偶似山林客  
曉耕翻露草夜搗響溪石來往不逢人長歌楚天碧  
夏初雨後尋愚溪

悠悠雨初霽獨繞清溪曲引杖試荒泉解帶圍新竹  
沈吟亦何事寂寞固所欲幸此息營營嘯歌靜炎燠

郊居歲暮

屏居負山郭歲暮驚離索野迴樵唱來庭空燒燼落

世紛因事遠心賞隨年薄默默諒何為徒成今與昨

秋曉行南谷經荒村

杪秋霜露重晨起行幽谷黃葉覆溪橋荒邨惟古木  
寒花疎寂歷幽泉微斷續機心久已忘何事驚麋鹿  
中夜起望西園值月上

覺聞繁露墜開戶臨西園寒月上東嶺冷冷疎竹根  
石泉遠猶響山鳥時一喧倚檻遂至旦寂寞將何言

田家

蓐食狗所務驅牛向東阡雞鳴邨巷白夜色歸暮田  
札札耒耜聲飛飛來鳥鷺竭絃筋力事持用窮歲年

盡輸助徭役聊就空自眠子孫日已長世世還復然  
籬落隔烟火農談四鄰夕庭際秋蟲鳴疎麻方寂歷  
蠶絲盡輸稅機杼空倚壁里胥夜經過雞黍事筵席  
各言官長峻文字多督責東鄉後租期車轂陷泥澤  
公門少推恕鞭扑恣狼籍努力慎經營肌膚真可惜  
迎新在此歲唯恐踵前跡

古道饒羨藜縈迴古城曲蓼花被堤岸陂水寒更綠  
是時收穫竟落日多樵牧風高榆柳疎霜重梨棗熟  
行人迷去住野鳥競棲宿田翁笑相念昏黑慎原陸  
今年幸少豐無厭饘與粥

讀書

幽沈謝世事俛默窺唐虞上下觀古今起伏千萬途  
遇欣或自笑感戚亦以吁縹帙各舒散前後互相逾  
瘴疴擾靈府日與往昔殊臨文乍了了徹卷兀若無  
竟夕誰與言但與竹素俱倦極便倒臥熟寐乃一蘇  
欠伸展肢體吟咏心自愉得意適其適非願爲世儒  
道盡卽閉口蕭散捐囚拘巧者爲我拙智者爲我愚  
書史足自悅安用勤與劬貴爾六尺軀勿爲名所驅

詠荆軻

燕秦不兩立太子已爲虞千金奉短計七首荆卿趨

窮年狗所殺兵勢且見屠微言激幽憤怒目辭燕都  
朔水動易木揮爵前長驅函首致宿怨獻田開版圖  
炯然耀電光掌握罔正夫造端何其銳臨事竟越起  
長虹吐白日倉卒反受誅按劍赫憑怒風雷助號呼  
慈父斷子首狂走無容軀夷城芟七族臺觀皆焚污  
始期憂患弭卒動災禍樞秦皇本詐力事與桓公殊  
奈何效曹子實謂勇且愚世傳故多謬太史微無且

詩宗卯集卷七

詩宗卯集卷八

古詩 五言一百二十六首

秋懷詩

韓愈

窻前兩好樹衆葉光蕤蕤秋風一披拂策策鳴不已  
微燈照空牀夜半偏入耳愁憂無端來感歎成坐起  
天明視顏色與故不相似義和馭白日疾急不可恃  
浮生雖多途趨死惟一軌胡爲浪自苦得酒且歡喜  
白露下百草蕭蘭共惆悵青青四墻下已復生滿地  
寒蟬慙寂寞蟋蟀鳴自恣運行無窮期稟受氣苦異  
適時各得所松柏不必貴

言宗  
彼時何卒卒我志何曼曼犀首空好飲廉頗尚能飯  
學堂日無事驅馬適所願茫茫出門路欲去聊自歎  
歸還閱書史文字浩千萬陳跡竟難尋賤嗜非貴獻  
丈夫意有在女子乃多怨

秋氣日惻惻秋空日凌凌上無枝上蛸下無盤中蠅  
豈不感時節目去所憎清曉卷書坐南山見高稜  
其下澄秋水有蛟寒可習惜哉不得往豈謂吾無能  
離離挂空悲悵悵抱虛警露泫秋樹高蟲弔寒夜永  
斂退就新懦趨榮悼前猛歸愚識夷塗汲古得脩綬  
名浮猶有恥味薄真自幸庶幾遺悔尤卽此是幽屏

秋夜不可晨秋日苦易暗我無汲汲志何以有此憾  
寒雞空在栖皎月煩屢瞰有琴且徽絃再鼓聽愈淡  
古聲久埋滅無由見真濫低心逐時趨苦勉祇能暫  
有如乘風船一縱不可纜不如覩文字丹鉛事點勘  
豈必求贏餘所要石與甌

卷卷落地葉隨風走前軒鳴聲苦有意顛倒相追奔  
空堂黃昏暮我坐默不言童子自外至吹燈當我前  
問我我不應饋我我不餐退坐西壁下讀書盡數篇  
作者非今士相去時已千其言有感觸使我復悽酸  
願謂汝童子置書且安眠丈夫屬有念事業無窮季



南山詩

終南山在萬年縣南五十里天下之大祖也  
吾聞京城南茲維羣山固東西兩際海巨細難悉究  
山經及地志茫昧非受授團辭試提挈挂一念萬漏  
發休諒不能麤序所經觀嘗昇崇丘望戢戢見相湊  
晴明出稜角縷脈碎分繡蒸嵐相湏洞表裏忽通透  
無風自飄歟融液煦柔茂橫雲時平凝點點露數岫  
天宇橫脩眉濃綠畫新就孤撐有巉絕海浴寒鵬嚼  
春陽潛沮如濯濯深吐秀巖巒雖律峯輒弱類含耐  
夏炎百木盛蔭鬱增埋覆神靈日啟戲雲氣爭結構

秋霜喜刻鏤磔卓立癯瘦參差相疊重剛耿陵宇宙  
冬行雖幽墨冰雪工琢鏤新曦照危峨億丈恆高袤  
明晦無停態頃刻異狀候西南雄太白突起莫間籓  
藩都配德運分宅占丁戊逍遙越地位詆訐陷乾寶  
空虛寒兢兢風氣較搜漱朱維方燒日陰霰縱騰糅  
昆明陰池北去覲偶晴晝縣聯竅俯視倒側困清漚  
微瀾動水面踊躍躁猱狄驚呼惜破碎仰喜呀不仆  
前尋經杜墅全蔽畢原陋崎嶇上軒昂始得觀覽富  
行行將遂窮嶺陸煩互走勃然患圻裂擁掩難恕宥  
巨靈與夸娥遠賈期必售還疑造物意固護蓄積祐

力雖能排幹雷電怯呵詬攀緣脫手足蹭蹬抵積甃  
茫然試矯首塌塞生恂愁威容喪蕭爽近新迷遠舊  
拘官計日月欲進不可又因緣窮其湫凝湛閉陰巽  
魚鯪可俯掇神物安敢寇林柯有脫葉欲墮鳥驚救  
爭衝鸞環飛投棄急哺殼旋歸道回睨達枿壯復奏  
吁嗟信奇怪峙質能化質前年遭遣謫揆歷得邂逅  
初從藍田入顧眄勞頸脰時天晦大雪淚目苦矇眊  
峻塗拖長冰直下若懸溜褰衣步推馬顛蹶退且復  
蒼黃忘遐睎所矚纔左右松篁唵蒲蘇杲耀攢介冑  
專心憶平道脫險逾避臭昨來逢清霽宿願欣所副

崢嶸躋冢頂倏閃雜龜鼉前抵畫開闊瀾漫堆衆皴  
或連若相從或蹙若相鬪或妥若弭伏或聳若驚雉  
或散若瓦解或赴若輻輳或翩若船遊或沒若馬驟  
或背若相惡或向若相佑或亂若抽笋或嶮若炷灸  
或錯若繪畫或縉若篆籀或羅若星離或蒼若雲逗  
或浮若波濤或碎若鋤耨或如賁育倫賭勝勇前購  
先強勢已出後鈍噴誼譎或如帝王尊叢集朝賤幼  
雖親不褻狎雖遠不悖謬或如臨食案肴核分飭餽  
又如遊九原墳墓包榔柩或纍若盆罌或揭若登豆  
或覆若曝鼈或頽若寢獸或蜿若藏龍或翼若搏鷲

或齊若朋友或差若先後或遊若流落或顧若宿雷  
或戾若仇讎或密若婚媾或儼若峨冠或翻若舞袖  
或屹若戰陳或圍若蒐狩或靡然東注或偃然北首  
或如火熔烟或若氣饋饈或行而不輟或遺而不收  
或斜而不倚或弛而不彀或赤若禿鬪或燠若柴樵  
或如龜拆兆或若卦分絲或前橫若剝或後斷若姤  
延延離又屬支支叛還邁喁喁魚闖萍落落月經宿  
閭閻樹牆垣巘巘架庫廢參參削劍戟煥煥銜瑩琇  
敷敷花破萼闐闐屋摧雷悠悠舒而安兀兀狂以狃  
迢迢出猶奔蠹蠹駭不懋大哉立天地經紀肖營滕

厥初孰開張僂俛誰勸侑創茲朴而巧戮力忍勞疚  
得非施斧斤無乃假咀呪鴻荒意無傳功大莫酬儼  
嘗聞於祠官苾芬降歆嗅斐然作歌詩惟用贊報醜

赴江陵途中寄贈王二十補闕淮李十一拾遺

建李二十六員外程翰林三學士

孤臣昔放逐血泣追愆尤汗漫不省識悅如棄梓浮  
或自疑上疏上疏豈其由是年京師旱田畝少所收  
上憐民無食征賦半已休有司恤經費未免煩徵求  
富者既云急貧者固已流傳聞閭里間赤子棄渠溝  
持男易斗粟掉臂莫肯酬我時出衢路餓者何其稠

言宗 二  
親逢道邊死佇立久啜嚙歸舍不能食有如魚中鉤  
適會除御史誠當得言秋拜疏移閣門為忠寧自謀  
上陳人疾苦無令絕其喉下陳畿田內根本理宜優  
積雪驗豐熟幸寬待蠶麤天子惻然感司空歎綢繆  
謂言即施設乃反遷炎州同官盡才俊偏善柳與劉  
或慮語言洩傳之落冤讎二子不空爾將疑斷還不  
中使臨門遣頃刻不得畱病妹臥牀褥分知隔明幽  
悲啼乞就別百請不領頭弱妻抱稚子出拜忘慙羞  
僂俛不廻願行行詣連州朝為青雲士暮作白首囚  
商山季多月冰凍絕行轉春風洞庭浪出沒驚孤舟

逾嶺到所任低顏奉君侯酸寒何足道隨事生瘡疔  
遠地觸途異吏民似猿猴生瘴多忿狠辭舌紛嘲啣  
白日屋簷下雙鳴鬪鶴鷗有蛇類兩首有蠱羣飛游  
窮冬或搖扇盛夏或重裘颺起最可畏旬哮數陵丘  
雷霆助光怪氣象難比侔癘疫忽潛邁十家無一瘳  
猜嫌動置毒對案輒懷愁前日遇恩赦私心喜還憂  
果然又羈繫不得歸鉅糴此府雄且大騰凌盡戈矛  
棲棲法曹掾何處事卑陬生平企仁義所學皆孔周  
早知大理官不到三后儔何況親犴獄敲榜發姦偷  
懸知失事勢恐自罹置罟湘水清且急涼風日脩脩

言宗  
二  
胡爲首歸路旅泊尚夷猶昨者京使至嗣皇傳冕旒  
赫然下明詔首罪誅共咬復聞顛天輩峨冠進鴻疇  
班行再肅穆璜珮鳴琅璆佇繼貞觀烈邊封脫兜鍪  
三賢推侍從卓犖傾枚鄒高議參造化清文煥皇猷  
協心輔齊聖致理同毛輶小雅咏鹿鳴食苹貴呦呦  
遺風邈不嗣豈憶嘗同裊矢志早衰換前期擬蜉蝣  
自從齒牙缺始慕舌爲柔因疾鼻又塞漸能等薰蕕  
深患罷官去畢命依松楸空懷焉能果但見歲已邁  
殷湯閔禽獸解網祝蛛蝥雷煥掘寶劍冤氣銷斗牛  
茲道誠可尚誰能借前籌殷勤謝吾友明月非暗投

縣齋有懷

少小尚奇偉平生足悲吒猶嫌子夏儒肯學樊遲稼  
事業窺臯稷文章蔑曹謝濯纓起江湖綴佩雜蘭麝  
悠悠指長途去去策高駕誰爲傾國媒自許連城價  
初隨計吏貢屢入澤宮射雖免十上勞何能一戰霸  
人情忌殊異世路多權詐蹉跎顏遂低摧折氣愈下  
治長非信罪侯生或遭罵懷書出皇都銜淚渡清灞  
身將老寂寞志欲死閒暇朝食不盈腸冬衣纔掩骼  
軍書旣頻召戎馬乃頻跨大梁從相公彭城赴僕射  
弓箭圍狐兔絲竹羅酒肉兩府變炎涼三年就休假

求官去東洛犯雪過西華塵埃紫陌春風雨靈臺夜  
名聲荷朋友援引之姻婭雖陪彤庭臣詎縱青冥靴  
寒空聳危闕曉色曜脩架捐軀辰在丁鑿嗣時方禘  
投荒誠職分領邑幸寬赦湖波翻日車嶺石拆天罅  
毒霧恆薰晝炎風每燒夏雷威固已加颶勢仍相借  
氣象杳難測聲音吁可怕夷言聽未慣越俗循猶乍  
指摘兩憎嫌睚眦互猜訝祇緣恩未報豈謂生足藉  
嗣皇新繼明率土日流化唯忠滌瑕垢長去事桑柘  
斷嵩開雲扃壓穎抗風榭禾麥種滿地梨棗栽繞舍  
兒童稍長成雀鼠得驅嚇官租日輸納村酒時邀迓

閑愛老農愚歸弄小女媿如今復可爾何用畢婚嫁

陪杜侍御遊湘西兩寺獨宿有題因獻楊常侍

長沙千里平勝地猶在險况當江闊處斗起勢匪漸  
溪林高玲瓏青山上琬琰路窮臺殿闢佛事煥且儼  
剖竹走泉源開廊架崖廣是時秋之初暑氣尚未斂  
羣行忘後先朋息棄拘檢客堂喜空涼華榻有清簟  
澗蔬煮蒿芹木果剝菱芡伊余夙所慕陪賞亦云忝  
幸逢車馬歸獨宿門不掩山樓黑無月漁火燦星點  
夜風一何喧杉檜屢磨颺猶疑在波濤怵惕夢成魘  
靜思屈原沈遠憶賈誼貶椒蘭爭妒忌絳灌共讒諂

誰令悲生腸坐使淚盈臉  
鸞飛之羽翼指摘因瑕玷  
珥貂藩維重政化類分陝  
禮賢道何優奉己事苦儉  
大廈棟方隆巨川楫行剡  
經營誠少暇遊宴固已歎  
旅情愧淹留徂歲嗟荏苒  
平生每多感柔翰遇頻染  
展轉嶺猿鳴曙燈青睽睽

岳陽樓別竇司直

洞庭九州間厥大誰與讓  
南匯羣崖水北注何奔放  
瀦爲七百里吞納各殊狀  
自古澄不清環混無歸向  
炎風日搜攬幽怪多冗長  
軒然大波起宇宙隘而妨  
巍峨拔嵩華騰踔較健壯  
聲音一何宏轟輶車萬兩

猶疑帝軒轅張樂就空曠  
蛟螭露筍簾編練吹組帳  
鬼神非人世節奏頗跌踢  
陽施見誇麗陰閉盛悽愴  
朝過空春口極北缺堤障  
夜纜巴陵洲叢芮纔可傍  
星河盡涵泳俯仰迷上下  
餘瀾怒不已喧聒鳴甕盎  
明登岳陽樓輝煥朝日亮  
飛廉戢其威清晏息纖纒  
泓澄湛凝綠物類巧相况  
江豚時出戲驚波忽蕩漾  
時當冬之孟隙竅縮寒漲  
前臨指近岸側坐眇難望  
滌濯神魂醒幽懷舒以暢  
主人孩童舊握手乍忻悵  
憐我竄逐歸相見得無恙  
開筵交履舄爛漫倒家釀  
杯行無畱停高柱送清唱  
中盤進橙栗投擲傾脯醬

言集 二  
歡窮悲心生婉戀不能忘念昔始讀書志欲干霸王  
屠龍破千金爲藝亦已亢愛才不擇行觸事得讒謫  
前年出官由此禍最无妄公卿採虛名擢拜諒天仗  
姦猜畏彈射斥逐恣欺誑新恩移府庭逼側廁諸將  
于嗟苦鴛緩但懼失空當追思南渡時魚腹甘所葬  
嚴程迫風帆劈箭入高浪顛沈在須臾忠鯁誰復諒  
生還眞可喜剋已自懲創庶從今日後粗識得與容  
事多改前好趣有獲新尚誓耕十畝田不取萬乘相  
細君知蠶織稚子已能餉行當挂其冠生死君一訪

送文暢師北遊

昔在四門館晨有僧來謁自言本吳人少小學城闕  
已窮佛根源粗識事輒輒攀拘屈吾眞戒轄思遠發  
薦紳秉筆徒聲譽耀前閣從求送行詩屢造忍顛蹶  
今成十餘卷浩汗羅斧鉞先生閱窮巷未得窺劖劖  
又聞識大道何路補剗剗出其囊中文滿聽實清越  
謂僧當少安草序頗排訐上論古之初所以施賞罰  
下開迷惑冒宰豁斲株極僧時不聽瑩若飲水救渴  
風塵一出門時日多如髮三年竄荒嶺守懸坐淡樾  
徵租聚異物詭製怛巾鞵幽窮共誰語思想甚含噦  
昨來得京官照壁喜見蝎况逢舊親識無不比鷄廢



長安多門戶弔慶少休歇而能勤來過重惠安可揭  
當令聖政初恩澤完戮狄胡為不自暇飄戾逐鸛鷹  
僕射領北門威德壓胡羯相公鎮幽都竹帛爛勳伐  
酒場舞閨姝獵騎圍邊月開張篋中寶自可得津筏  
從茲富裘馬寧復茹藜藜余期報恩後謝病老畊塋  
庇身指蓬茅遲志縱獫狁僧還相訪來上藥煮可掘

答張徹

辱贈不知報我歌爾其聆首敘始識面次言後分形  
道途縣萬里日月垂十齡浚郊避兵亂睢岸連門停  
肝膽一古劍波濤兩浮萍漬墨竄舊史磨丹注前經

義苑手祕寶文堂耳驚霆暄晨躡露曷暑夕眠風櫺  
結友子讓抗請師我慚丁初味猶噉蔗遂通斯建瓴  
搜奇日有富嗜善心無寧石梁平佺佺沙水光泠泠  
乘枯摘野豔沈細抽潛腥游寺去陟巘尋徑返穿汀  
緣雲竹竦竦失路麻冥冥淫潦忽翻野平蕪眇開溟  
防泄塹夜寒懼衝城晝局及去事戎轡相逢宴軍伶  
觥秋縱兀兀獵旦馳駟駟從賦始分手朝京忽同舫  
急時促暗棹戀月留虛亭畢事驅傳馬安居守窻螢  
梅花灞水別宮燭驪山醒省選逮投足鄉賓尚摧翎  
塵袂又一摻淚皆還雙熒洛邑得休告華山窮絕陁

倚巖睨海浪引手拂天星日駕此迴轄金神所司刑  
泉紳拖脩白石劔攢高青磴蘚澹拳跼梯颯飈伶俜  
悔狂已咋指垂誠仍鐫銘峨豸忝備列伏蒲愧分涇  
微誠慕橫草瑣力摧撞廷壘雪走商嶺飛波航洞庭  
下險疑墮井守官類拘囹荒餐茹獠蠹幽夢感湘靈  
刺史肅著蔡吏人沸蝗螟點綴簿上字趨踰閣前鈴  
賴其飽山水得以娛瞻聽紫樹雕斐疊碧流滴瓏玲  
映波鋪遠錦插地列長屏愁狄酸骨死怪花醉魂馨  
潛苞絳實坼幽孔翠毛零赦行五百里月變三十蕢  
漸塔羣振鷺入學誨螟蛉革甘謝鳴鹿疊傾慙罄餅

囹圄抱瑚璉飛飛聯鵲鶴魚鬣欲脫背虬光先照硯

薦士

爲孟郊上鄭相餘慶

周詩三百篇雅麗理訓詁曾經聖人手議論安敢到  
五言出漢時蘇李首夏號東都漸瀰漫派別百川導  
建安能者七卓犖變風操逶迤抵晉宋氣象日凋耗  
中間數鮑謝此近最清奧齊梁及陳隋衆作等蟬噪  
搜春摘花卉沿襲傷剽盜國朝盛文章子昂始高蹈  
勃興得李杜萬類困陵暴後來相繼生亦各臻閭隩  
有窮者孟郊受材實雄鷲冥觀洞古今象外逐幽好

橫空盤礴語安帖力排鼻敷柔肆紆餘奮猛卷海濤  
榮華肖天秀捷疾逾響報行身踐規矩甘辱恥媚竈  
孟軻分邪正眸子看瞭眊杳然粹而清可以鎮浮躁  
酸寒溧陽尉五十幾何老孜孜營甘旨辛苦久所冒  
俗流知者誰指注競嘲傲聖皇索遺逸髦士日登造  
廟堂有賢相愛遇均覆燾况承歸與張二公迭嗟悼  
青冥送吹噓強箭射魯縞胡爲久無成使以歸期告  
霜風破佳菊嘉節迫吹帽念將沒焉去感物增戀嫪  
彼微水中苻尚煩左右芼魯侯國至小廟鼎猶納郤  
幸當擇珉玉寧有棄珪瑁悠悠我之思擾擾風中燾

上言愧無路日夜唯心禱鶴翎不天生變化在啄抱  
通波非難圖尺地易可漕善善不汲汲後時徒悔懊  
救死具八珍不如一簞糲微詩公勿謂愷悌神所勞

落齒

去年落一牙今年落一齒俄然落六七落勢殊未已  
餘存皆動搖盡落應始止憶初落一時但念豁可恥  
及至落二三始憂衰卽死每一將落時慄慄恆在己  
又牙妨食物顛倒怯漱水終焉捨我落意與崩山比  
今來落旣熟見落空相似餘存二十餘吹第知落矣  
倘常歲落一自足支兩紀如其落併空與漸亦同指

言宗 二外集  
人言齒之落壽與理難恃我言生有涯長短俱死爾  
人言齒之豁左右驚諦視我言莊周公木鴈各有喜  
語訛默固好嚼廢輒還美因歌遂成詩時用詫妻子

苦寒

四時各平分一氣不可兼隆寒奪春序顛頑固不廉  
太昊弛維綱畏避但守謙遂令黃泉下萌芽天勾尖  
草木不復抽百味失苦甜凶颯攪宇宙鉞刃甚割砭  
日月雖云尊不能活烏蟾羲和送日出恒怯頻窺覘  
炎帝持祝融呵噓不相炎而我當此時恩光何由沾  
肌膚生鱗甲衣被如刀鎌氣寒鼻莫齶血凍指不拈

濁醪沸入喉口角如銜箝將持七筋食觸指如排籤  
侵爐不覺暖熾炭屢已添揆湯無所益何況續與縑  
虎豹僵穴中蛟螭死幽潛熒惑喪躔次六龍冰脫髯  
芒碭大包內生類恐盡殲啾啾窓間雀不知已微纖  
舉頭仰天鳴所願晷刻淹不如彈射死却得親魚燂  
鸞皇苟不存爾固不在占其餘蠢動儔俱死誰恩嫌  
伊我稱最靈不能女覆苦悲哀激憤歎五藏難安恬  
中宵倚墻立淫淚何漸漸天王哀無辜惠我下願瞻  
褰旒去耳續調和進梅鹽賢能日登御黜彼傲與儉  
生風吹虎氣豁達如褰簾懸乳零落墮晨光入前簷

雪霜頓銷釋土脈膏且黏豈徒蘭蕙榮施及艾與蒹  
日萼行鑠燦風條坐檐檐天乎苟其能吾死意亦厭  
送侯參謀赴河中幕

憶昔初及第各以少年稱君頤始生鬚我齒清如冰  
爾時心氣壯百事謂己能一別詎幾何忽如隔晨興  
我齒豁可鄙君顏老可憎相逢風塵中相視送嗟矜  
幸同學省官末路再得朋東司絕教授遊宴以爲恆  
秋漁蔭密樹夜博然明燈雪逕抵樵窠風廊折談僧  
陸渾桃花間有湯沸如蒸三月崧少步躑躅紅千層  
洲沙厭晚坐嶺壁窮晨凌沈冥不計日爲樂不可勝

遷滿一已畢乖離坐難憑行行事結束人馬何躊躇  
感激生膽勇從軍豈嘗曾洗洗司徒公天子爪與肱  
提師十萬餘四海欽風稜河北兵未進蔡州帥新薨  
曷不請掃除活彼黎與烝鄙夫誠怯弱受恩愧徒弘  
猶思脫儒冠棄死取先登又欲面言事上書求詔徵  
侵官固非是妄作譴可懲惟當待責免畊斲歸溝塍  
今君得所附勢若脫鞬鷹檄筆無與讓幕謀且其膺  
收績開史牒翰飛逐溟鵬男兒貴立事流景不可乘  
歲老陰沍作雲頽雪翻崩別袖拂洛水征車轉峻陵  
勤勤酒不進勉勉恨己仍送君出門歸愁腸如牽繩

默坐念語笑癡如遇寒蠅策馬誰可適晤言誰為應  
席塵惜不掃殘樽對空凝信知後會時日月屢環絀  
生期理行役歡緒絕難承寄書惟在頻無恡簡與繒

送無本師歸范陽

無本於為文身大不及膽吾嘗示之難勇往無不敢  
蛟龍弄角牙造次欲手攬衆鬼囚大幽下覩襲幽窞  
天陽熙四海注視首不領鯨鵬相摩宰兩舉悋一噉  
夫豈能必然固已謝黯黠狂詞肆滂葩低昂見舒慘  
姦窮怪變得往往造平澹蜂蟬碎錦纈綠池披菡萏  
芝英擢荒蕪孤翮起連茨家住幽都遠未識氣先感

來尋吾何能無殊嗜昌歌始見洛陽春桃枝綴紅糝  
遂來長安里時封轉習坎老懶無關心久不事鉛槧  
欲以全帛酬舉室常顧領念當委我去霜雪刻以懣  
猗颯攬空衢天地與頓撼勉率吐歌詩慰女別後覽

南谿始泛

榜舟南谿上上上不得返幽事隨去多孰能量近遠  
陰沈過連樹藏昂抵橫坂石麤肆磨礪波惡厭牽挽  
或雨飄岸漁竟就平洲飯點點暮雨秋稍稍新月偃  
餘年慄無幾休日愴已晚自是病使然非由取高蹇

齷齪

齷齪當世士所憂在飢寒但見賤者悲不聞貴者歎  
大賢事業異遠抱非俗觀報國心皎潔念時涕沈瀾  
妖姬坐左右柔指發哀彈酒殺雖日陳感激寧爲歡  
秋陰欺白日泥濘不少乾河堤沒東郡老弱隨驚湍  
天意固有屬誰能詰其端顧辱太守薦得充諫諍官  
排雲叫閭闔披腹呈琅玕致君豈無術自進誠獨難

庭楸

庭楸止五株共生十五間各有藤繞之上各相鉤聯  
下葉各垂地樹顛各雪連朝日出其東我常坐西偏  
夕日在其西我常坐東邊當晝日在上我坐中央間  
仰視河青青上不見纖穿朝暮無日時我且八九旋  
濯濯晨露香明珠何聯聯夜月來照之萋萋自生煙  
我已自頑鈍重遭五楸牽客來尚不見肯到權門前  
權門衆所趨有客動百千九牛一毛未在多小間  
往既無可顧不往自可憐

病鴟

屋東惡木溝有鴟墮鳴悲青泥揜兩翅拍拍不得離  
羣童叫相名瓦礫爭先之計校生平事殺都理亦空  
奪攘不愧恥飽滿盤天嬉晴日占光景高風送追隨  
遂凌紫鳳羣肯顧鴻鵠卑今者運命窮遭逢巧丸兒

中汝要害處汝能不得施於吾乃何有不忍樂其危  
丐汝將死命浴以清水池朝餐輟魚肉暝宿防狐狸  
自知無以致蒙德久猶疑飽入淡竹叢飢來傍塔基  
亮無責報心固以聽所爲昨日有氣力飛跳弄藩籬  
今晨忽徑去曾不報我知僥倖非汝福天衢汝休窺  
京城事彈射豎子豈易欺勿諱泥坑辱泥坑乃良規  
山南鄭相公樊員外酬答爲詩其末咸有見及  
語樊封以示愈依賦十四韻以獻

梁維西南屏山厲水刻屈稟生肖勦剛難諧在民物  
榮公鼎軸老享幹力健偃帝咨女子往牙蠹前坐拂  
威風挾惠氣蓋壤兩廟拂茫漫華黑問指畫變悅歛  
誠旣富而美章彙霍炳蔚日延講大訓龜判錯哀黻  
樊子坐賓署演孔刮老佛金春撼玉應厥臭劇蕙鬱  
遺我一言重聽受惕齋慄辭慳義卓闊呀豁疚摺掘  
如新去町疇電霆逼颼颼綴此豈爲訓俚言紹莊屈

朝歸

峨峨進賢冠耿耿水蒼佩服章豈不好不與德相對  
顧影聽其聲頰顏汗漸背進乏犬雞效又不勇自退  
坐食取其肥無堪等鸞贖長風吹天墟秋日萬里曠  
抵暮但昏眠不成歌慷慨



城南聯句

竹影金瑣碎郊 泉音玉琮瑤 瑤瑤剪木葉愈 翡翠開  
 園英流滑隨仄步郊 搜尋得淡行 遙岑出寸碧愈 遠  
 日增雙明乾 穉紛拄地郊 化蟲枯揭莖 木腐或垂耳  
愈 草珠競駢睛 浮虛有新斲郊 摧抗饒孤撐 囚飛黏  
 網動愈 盜啗接彈驚 脫實自開圻郊 牽柔誰繞縈 縈禮  
 鼠拱而立愈 駭牛躅且鳴 蔬甲喜臨社郊 田毛樂寬  
 征露螢不自暖愈 凍蝶尚思輕 宿羽有先曉郊 食鱗  
 時半橫菱翻紫角利愈 荷拆碧圓傾 楚膩鱸鮓亂郊  
 獠羞螺蟹并 桑蠖見虛指愈 穴狸聞鬪擗 逗翳翅相

築郊 擺幽尾交 掬蔓涎角出 縮愈 樹啄頭敲 鏗脩箭  
 裹金餌郊 羣鮮沸池羹 岸殼拆玄兆愈 野蕤漸豐萌  
 窳烟冪疏島郊 沙篆印迴平 痒肌遭蚝刺愈 啾耳聞  
 雞生奇慮恣迴轉郊 遐睇縱逢迎 巔林戢遠睫愈 縹  
 氣夷空情歸 跡歸不得郊 捨心捨還爭 靈麻撮狗蝨  
愈 村稚啼禽 猩紅皺曬檐瓦郊 黃團繫門衡 得雋蠅  
 虎健愈 相殘虎豹 趙束枯樵指秃郊 刈熟擔肩 賴澀  
 旋皮卷擗愈 苦開腹彭亨 機春潺浚力郊 吹數飄颻  
 精賽饌木盤 簇愈 報妖藤索 紉荒學五六卷郊 古藏  
 四三瑩里 儒拳足拜愈 土怪閃眸 偵蹄道補復破郊

絲窠掃還成暮堂蝙蝠沸愈破竈伊威盈追此訊前  
 主郊答云皆豕卿敗壁剝寒月愈折篁嘯遺笙桂熏  
 霏霏在郊碁迹微微呈劔石猶竦檻愈獸村尚挈楹  
 寶唾拾未盡郊玉帝墮猶鎗臆綃疑悶豔愈妝燭已  
 銷繁綠髮抽珉簪愈青膚聳瑤楨白蛾飛舞地愈幽  
 蠹落書棚惟昔集嘉詠郊吐芳類鳴嚶窺奇摘海異  
愈恣韻激天鯨腸胃遠萬象郊精神驅五兵蜀雄李  
 杜拔愈嶽力雷車轟大句幹玄造郊高言軋霄崢  
 端轉寒燠愈神助溢杯觥巨細各乘運愈湍瀾亦騰  
 聲凌花咀粉藥郊削縷穿珠櫻綺語洗晴雪愈嬌辭

弄雛嬰酣歡雜弁珥郊繁價流金瓊菡萏寫江調郊  
 萎蕤綴藍瑛庖霜繪玄鯽愈浙玉炊香粳朝饌已百  
 態郊春醪又千名哀匏蹙駛景愈列唱凝餘晶解魂  
 不自主郊瘳肌坐空瞠板援賤蹊絕愈炫曜仙選夏  
 叢巧競採笑郊駢鮮互揆嬰桑變忽蕪蔓愈樟栽浪  
 登丁霞鬪詎能極郊風期誰復賡泉區扶帝壤愈環  
 蘊郁天京祥色被文彥郊良才插杉檉隱伏饒氣象  
愈興潛示堆坑孽華露神物郊擁終儲地禎訂謨壯  
 締始愈輔弼登階清全秀恣填塞郊呀靈滴滄澄益  
 大聯漢魏愈肇初邁周贏積照涵德鏡郊傳經儷金

言宗  
一  
巖食家行鼎鬲愈寵族飫弓旌奕制盡從賜郊殊私  
得逾程飛橋上架漢愈繚岸俯規瀛瀟碧遠輸委郊  
湖嵌費攜擎荀首從大漠愈楓櫺至南荆嘉植鮮危  
朽郊膏理易滋榮懸長巧紐翠愈象曲善攢珩魚口  
星浮沒郊馬毛錦斑駢五方亂風土愈百種分鉏耕  
葩槩相妒出郊菲茸共舒晴類招臻侖詭愈翼華伏  
衿纓危望跨飛動郊冥升躡登閔春遊轢霍靡愈彩  
伴颺嫫媸遺燦飄的爍郊淑顏洞精誠嬌應如在寤  
愈頽意若含醒鴝毳翔衣帶郊鵝肪截珮璜文昇相  
照灼愈武勝屠攬搶割錦不酬價郊構雲有高營通

波初鱗介愈疏晚富蕭蘅買養馴孔翠郊遠苞樹蕉  
拚鴻頭排刺芡愈鵠鷓攢瓌橙鶩廣雜良牧郊蒙休  
賴先盟罷旄奉環衛愈守封踐忠貞戰服脫明介郊  
朝冠飄彩紘爵勳逮僮隸愈簪笏自懷繡乳下秀巖  
疑郊椒蕃泣嗶嗶頽鑑清溢匣愈眸光寒發劓館儒  
養經史郊綴戚觴孫甥考鍾饋肴核愈戛鼓侑牢牲  
飛膳自北下郊函珍極東烹如瓜煮大卵愈比線茹  
芳菁海嶽錯口腹郊趙燕錫媼一笑釋仇恨愈百  
金交弟兄貨至猶戎市郊呼傳鸚鵡令順居無鬼瞰  
愈抑橫免官評殺候肆凌翦郊籠原市置緝羽空顛

雉鷄愈血路迸狐麋折足去踉蹌郊蹙髻怒鬢髮躍  
犬疾翥鳥愈呀鷹甚飢蝮筭蹄記功賞郊裂腦擒控  
振猛斃牛馬樂愈妖殘梟鴆惇窟窟尚嗔視郊箭出  
方驚押連箱載已實愈礙轍棄仍羸喘覩鋒刃點郊  
困衝株柝盲埽淨豁曠曠愈騁遙略萃萃饒叔飽活  
齧郊惡嚼嘔腥鯖歲律及郊至愈古音命詔譔旗旆  
流日月郊帳廬扶棟薈磊落奠鴻璧愈參差席香蕈  
玄祇社兆姓郊黑秬饒豐盛慶流縟瘥癘愈威暢捐  
輻輳靈燔望高岡郊龍駕聞敲臚是唯禮之盛愈永  
用表其宏德孕厚生植郊恩熙完別剝宅土盡華族

愈運田閑強毗蔭庾森嶺檜郊啄場翮祥鳴畦肥剪  
韭薤愈陶固收盆嬰利養積餘健郊孝忠事嚴祊掘  
雲破擘嶼愈採月漉坳泓寺砌上明鏡郊僧孟敲曉  
鉦泥像對騁怪愈鐵鐘孤春鏗瘦頸鬧鳩郊蛇垣  
亂蛛蝶甚黑老蠶蠟愈麥黃韻鸚鵡韶曙遲勝賞郊  
賢朋戒先庚馳門填偏仄愈競墅輾砢碎緞紅滿  
杏郊稠凝碧浮錫蹙繩觀娥婺愈鬪草擷璣理粉汗  
澤廣額郊金星墮連瓔鼻偷困淑郁愈眠剽強盯睨  
是節飽顏色郊茲疆稱都城書饒罄魚繭愈紀盛播  
琴箏奚必事遠覲郊無端逐羈僮將身親魁魅愈浮

迹侶鷗鵠腥味空奠屈郊 天年徒羨彭驚魂見蛇蚓  
愈觸嗅值蝦蟇幸得履中氣郊 忝從拂天棖歸私暫  
愈休暇愈驅明出庠覺鮮意竦輕暢郊 連輝炤瓊瑩陶  
暄逐風乙愈躍視舞晴蜻足勝自多詣郊 心貪敵無  
勅始知樂名教愈 何用苦拘傳畢景任詩趣郊 焉能  
守磴磴愈

會合聯句

離別言無期會合意彌重籍 病添兒女戀老喪丈夫  
愈勇愈劔心知未死詩思猶孤聳郊 愁去劇箭飛謹來  
若泉涌微 析言多新貫據抱無昔壅籍 念難須勤追

悔易勿輕踵愈 唵巴山犖魯說楚波堆壟郊 馬辭虎  
豹怒舟出蛟鼉恐微 狂鯨時孤軒幽狄維百種愈 瘴  
衣常腥膩蠻器多疏穴籍 剝苔吊斑林角飯餌沉塚  
愈忽爾銜遠命歸歟舞新寵郊 鬼窟脫幽妖天居覲  
清拱愈京遊步方振調夢意猶恂籍 詩書誇舊知酒  
食接新奉愈 嘉言寫清越瘵病失朏腫郊 夏陰偶高  
庇宵魄接虛擁愈 雪絃寂寂聽茗盃纖纖捧郊 馳揮  
燭浮螢幽響泄潛菴愈 詩老獨何心江疾有餘漚郊  
我家本漚穀有地介皋鞏休迹憶沈冥峨冠慙闢燭  
愈升朝高轡逸振物羣聽悚徒言濯幽泌誰與雜荒

言字  
一少集  
茸籍朝紳鬱青絲馬飾曜珪珙國讎未銷鑠我志蕩  
邛隴郊君才誠倜儻時論方洵溶格言多彪蔚懸解  
無枯拳張生得淵源寒色拔山豕堅如撞羣金眇若  
抽獨蛹愈伊余何所擬跛鼈詎能踊塊然墮岳石飄  
爾冒巢醜郊龍旆垂天衛雲韶凝禁甬君胡眠安然  
朝鼓聲洶洶愈

鬪雞聯句

大雞昂然來小雞竦而待愈崢嶸顛盛氣洗刷凝鮮  
彩郊高行若矜豪側睨如何殆愈精光目相射劍戟  
心獨在郊既取冠爲冑復以距爲鐵天時得清寒地

利挾爽塏愈磔毛各噤痒怒癭爭礮磊俄膺忽爾低  
植立瞥而改郊臍膊戰聲喧續翻落羽雌中休事未  
沒小挫勢益倍愈妒腸務生敵賊性專相醢裂血失  
鳴聲啄殷甚飢餒郊對起何急驚隨旋誠巧給毒手  
飽李陽神槌困朱亥愈惻心我以仁碎首爾何罪獨  
勝事有然旁驚汗流浹郊知雄欣動顏怯負愁看賄  
爭觀雲填道助叫波翻海愈事爪溪難解噴睛時未  
怠一噴一醒然再接再厲乃郊頭垂碎丹砂翼搨拖  
錦綵連軒尚賈餘清厲比歸凱愈選俊感收毛受恩  
慙始隗英心甘鬪死義肉恥庖宰君看鬪雞篇短韻

詩宗  
有可採亦

附石鼎聯句詩

巧匠斲山骨剗中事煎烹服師直柄未當權塞口且吞

聲喜龍頭縮菌蠢豕腹漲彭亨明外苞乾蘚文中有

暗浪驚服師在冷足自安遭焚意彌貞喜謬當鼎鬲間

安使水火爭明大似烈士膽圓如戰馬纓服師上比香

爐尖下與鏡面平喜秋瓜未落蒂凍芋彊抽萌明一

塊元氣閉細泉幽竇傾服師不植輸寫處焉知懷抱清

喜方當洪鑪然益見小器盈明皖皖無刃跡團團類

天成服師遙疑龜負圖出曝曉正晴喜旁有雙耳穿上

為孤髻明或訝短尾銚又似無足鐺服師可惜寒食

毬擲此傍路坑喜何當出灰地無計離餅罌明陋質

荷斟酌狹中愧提擎服師豈能煮仙藥但未汗羊羹喜

形模婦女笑度量兒童輕明徒示堅重性不過升合

盛服師傍似廢穀仰側見折軸橫喜時於蚯蚓竅微作

蒼蠅鳴明以茲翻益愆實負任使誠服師常居顧眄地

敢有漏洩情喜寧依暖熱弊不與寒涼并明區區徒

自效瑣瑣不足呈喜迴旋但兀兀開闔惟鏗鏗服師全

勝瑚璉貴空有口傳名豈比俎豆古不為手所搔磨

驚去圭角浸潤著光精願君莫嘲諷此物方施行明

遊子吟

孟郊

慈母手中線遊子身上衣臨行密密縫意恐遲遲歸  
難將寸草心報得三春暉

怨別

一別一回老志士白髮早在富易為容居貧難自好  
沈憂損性靈服藥亦枯槁秋風遊子衣落日行遠道  
君問去何之賤身難自保

勸酒

白日無定影清江無定波人無百年壽百年復如何  
堂上陳美酒堂下列清歌勸君金屈卮勿謂朱顏酡

松柏歲歲茂丘陵日日多君看終南山千古青峨峨

秋夕貧居

臥冷無遠夢聽秋酸別情高枝低枝風千葉萬葉聲  
淺井不共飲瘦田常廢耕今交非古文貧語聞皆輕

李少府廳弔李元賓遺字

零落三四字忽成千萬年那知冥冥客不有補亡篇  
斜月弔空壁旅人難獨眠一生能幾時百慮來相煎  
戚戚故交淚幽幽長夜泉已矣難重言一言一潸然

答郭郎中

松柏死不變千年色青青志士貧更堅守道無異營



詩宗 一少集  
每彈瀟湘瑟獨抱風波聲中有失意吟和者淚滿纓  
何以報知者永存堅與貞

贈鄭夫子魴

天地入曾臆吁嗟生風雷文章得其微物象由我裁  
宋玉逞大句李白飛狂才苟非聖賢心孰與造化該  
勉矣鄭夫子驪龍今始胎

悼吳興張衡評事

君生雪水清君沒雪水渾空令骨肉情哭得白日昏  
大夜不復曉古松長閉門琴絃綠水絕詩句青山存  
昔爲芳春顏今爲芳草根獨問冥冥理先後未曾言

立德新居

立德何亭亭西南聳高隅陽厓洩春意井圃留冬蕪  
勝引即紆道幽行豈通衢碧峯遠相接清思誰言孤  
寺秩雖未貴家醪良足哺

古樂府雜怨

夭桃花清晨遊女紅粉新夭桃花薄暮遊女紅粉故  
樹有百年花人無一定顏花送人老盡人悲花自閒

獨愁

前日遠別離昨日生白髮欲知萬里情曉臥半床月  
常恐百蟲鳴使我芳草歇

詩  
二  
閒礎

杜鵑聲不哀，斷猿啼不切。月下誰家砧，一聲腸一絕。  
杵聲不爲客，客聞髮自白。杵聲不爲衣，欲令遊子歸。  
章仇將軍良棄功，守貧。

飲君江海心，詎能辨淺深。捐君山岳德，誰能齊嶽岑。  
東海精爲月，西岳氣凝金。進則萬景晝，退則羣物陰。  
我欲薦此言，天門峻沈沈。風颯亦感激，爲我颺颺吟。  
趙記室做在職無事

卑靜身後老，高動物先摧。方圓木任器，剛勁木成灰。  
大道母羣物，達人腹衆才。時吟堯舜篇，心向無爲開。

被隱山萬曲，我隱酒一杯。公庭何所有，日日清風來。

野居

張籍

貧賤易爲適，荒郊亦安居。端坐無餘思，彌樂古人書。  
秋田多良苗，野水多游魚。我無耒與網，安得充廩廚。  
寒天白日短，簷下暖我軀。四支漸寬柔，中腸鬱不舒。  
多病減志氣，爲客足憂虞。况復時節晚，覽景獨踟躕。

雜怨

切切重切切，秋風桂枝折。人當少年嫁，我當少年別。  
念君非征行，年年長遠途。妾身甘獨沒，高堂有舅姑。  
山川豈遙遠，行人自不返。

小閣閒坐

白居易

閣前竹簫簫閣下水潺潺拂簟捲簾坐清風生其間  
靜聞新蟬鳴遠見飛鳥還但有巾挂壁而無客叩關  
二疏返故里四老歸舊山吾亦適所願求閒而得閒

秋池

身閑無所為心閑無所患况當故園夜復此新秋池  
岸暗鳥栖後橋明月出時菱花香散漫桂露光參差  
靜境多獨得幽懷竟誰知悠然心中事自問來何遲

續古

朝采山上薇暮采山上薇歲晏薇亦盡饑來何所為  
坐飲白石水手把青松枝擊節獨長歌其聲清且悲  
櫪馬非不肥所苦長繫維豢豕非不飽所憂竟為犧  
行行歌此曲以慰常苦饑

自題寫真

我貌不自識李放寫我真靜觀神與骨合是山中人  
蒲柳質易朽麋鹿心難馴何事赤墀上五年為侍臣  
况多剛愎性難與世同塵不惟非貴相但恐生禍因  
宜當早罷去收取雲泉身

感舊寫真

李放寫我真寫來二十載莫問真何如畫亦銷光彩

朱顏與玄髮日夜改復改無嗟顏遽非且喜身猶在

食笋

此州乃竹鄉春筍滿山谷山夫折盈抱抱來早市鬻物以多為賤雙錢易一束置之炊甑中與飯同時熟紫糝折故錦素肌劈新玉每日遂加滄經時不患肉久為京洛客此味常不足且食勿踟躕南風吹作竹

春葺新居

江州司馬日忠州刺史時栽松滿後院種柳蔭前墀彼皆非吾土栽種尚忘疲况茲是我宅葺藝固其宜平日領僕使乘春新指揮移花夾暖室洗竹覆寒池

池水變綠色池芳動清輝尋芳弄水坐盡日心熙熙一物苟可適萬緣都若遺設如宅門外有事吾不知

讀張籍古樂府

張君何為者業文三十春猶工樂府詩舉代少其倫為詩意如何六義互鋪陳風雅比興外未嘗著空文讀君學仙詩可諷放佚君讀君董公詩可悔貪暴臣讀君商女詩可感悍婦仁讀君勤齋詩可勸薄夫敦上可裨教化舒之濟萬民下可理情性卷之善一身始從青衿歲迨此白髮新日夜秉筆吟心苦力亦勤時無采詩官委棄如泥塵恐君百歲後滅没人不聞

願藏中祕書百代不湮淪願播內樂府時得聞至尊  
言者志之苗行者文之根所以讀君詩亦知君為人  
如何發五十官小身賤貧病眼街西住無人行到門

凶宅

長安多大宅列在街西東往往朱門內房廊相對空  
梟鳴松桂枝狐藏蘭菊叢蒼苔黃葉地日暮多旋風  
前主爲將相得罪竄巴庸後主爲公卿寢疾歿其中  
連延四五主殃既繼相鍾自從十年來不利主人翁  
風雨壞檐隙蛇鼠穿墻墉人疑不敢買日毀土木功  
嗟嗟俗人心甚矣其愚蒙但恐災將至不患既所從

我今題此詩欲悟迷者曾凡爲大官人年祿多高崇  
權重持難久位高勢易驕窮者物之盈老者數之終  
四者如寇盜日夜來相攻假使居吉士孰能保其躬  
因小以明大借家可喻邦周秦宅峻函其宅非不同  
一興八百年一死望夷宮寄語邦與國人凶非宅凶  
和微之大嘴鳥

鳥者種有二名同性不同嘴小者慈孝嘴大者貪庸  
嘴大命又長生來十餘冬物老顏色變頭毛白茸茸  
飛來庭樹上初但驚兒童老巫生奸計與鳥意潛通  
云是非凡鳥遙見起敬恭千歲乃一出喜賀主人翁

祥瑞來白日神靈占知風陰作北斗使能爲人吉凶  
此鳥所止家家產日夜豐上以致壽考下可宜田農  
主人富家子身老心童蒙隨巫拜復祝婦姑亦相從  
殺雞薦其肉敬若禮六宗鳥喜張大嘴飛接在虛空  
鳥既飽羶腥巫亦饗甘濃鳥巫互相利不復兩西東  
日日營巢窟稍稍近房櫳雖生八九子誰辨其雌雄  
羣雛又長成衆皆逞殘兇揆巢吞燕卵入簇啄蠶窠  
豈無乘秋隼羈絆委高墉但食鳥殘肉無施搏擊功  
亦有能言鸚翅碧背距紅暫曾說鳥罪囚閉在淡籠  
青青窓前柳鬱鬱井上桐貪鳥上棲息慈鳥獨不容

慈鳥爾奚爲來往何憧憧曉去先晨鼓暮歸後昏鐘  
辛苦塵土間飛啄禾黍釐得食將母哺饑腸不自充  
主人憎慈鳥命子削彈弓絃續會稽竹丸鑄荆山銅  
慈鳥求母食飛下爾庭中數粒未入口一丸已中曾  
仰天呼一聲似欲訴蒼穹反哺日未足非是惜微躬  
誰能持此冤一爲問化工胡爲大嘴鳥竟得天年終

畫松

元稹

張璪畫古松逞逞得神骨翠帚掃春風枯龍戛寒月  
流傳畫師輩奇態盡埋沒纖枝無瀟灑頑幹空突兀  
乃悟塵埃心難狀煙霄質我去浙陽山溪山看真物

紅芍藥

芍藥綻紅綃巴籬織青瑣繁絲蹙金蕊高焰當爐火  
剪刻彤雲片開張赤霜裏煙輕琉璃葉風亞珊瑚朵  
受露色低迷向人嬌婀娜酡顏醉後並小女妝成坐  
豔豔錦不如夭夭桃未可晴霞畏欲散晚日愁將墮  
結植本爲誰賞心期在我採之諒多患幽贈何由果

八駿圖詩

穆滿志空闊將行九州野神馭四來歸天與八駿馬  
龍種無凡性龍行無暫捨朝辭扶桑底暮宿崑崙下  
鼻息吼春香蹄聲裂寒瓦尾掉滄波黑汗染白雲赭

華軒本修密翠蓋尚妍冶御者腕不移乘者寐不假  
車無輪扁斲轡無王良把雖有萬駿來誰是敢騎者

解愁

微霜纔結露翔鳩初變鷹無乃天地意使之行小懲  
鷓鴣誠可惡蔽日有高鵬捨大以擒細我心終不能

感諷

李賀

星盡四方高萬物知天曙已生須已養荷擔出門去  
君平久不返康伯遁國路曉患方饒饒闐闐千人語

銅雀妓

佳人一壺酒秋容滿千里石馬臥新烟憂來何所似

歌聲且潛弄陵樹風自起長裾壓高臺淚眼看花机

古意

賈島

碌碌復碌碌百年雙轉轂志士中夜心良馬白日足  
俱為不等閒誰是知音目眼中兩行淚曾弔三獻玉

感秋

商氣颯已來歲華又虛擲朝雲藏奇峯暮雨洒疎滴  
幾蜩嘿涼葉數蟲患陰壁落日空館中歸心遠山碧  
昔人多秋感今日何異昔四序馳百年玄髮坐來白  
喧喧徇名利擾擾同轍迹倘無世上懷去偃松下石

延壽里精舍寓居

菴託避華館荒樓遂愚慵短庭無繁植珍果春亦濃  
側廬發局樞纖魄時臥逢耳目乃鄜井肺肝即巖峯  
汲泉飲酌餘見我閒靜容霜蹊猶舒英寒蝶斷來踪  
雙履與誰逐一尋青瘦策

街西居

姚合

愛得山野性住城事多違青山在宅南迴首東西稀  
淺淺一井泉數家同汲之獨我惡水濁鑿井庭之陲  
自鑿還自飲亦為眾所非吁嗟世間事潔身誠難為

無題

李商隱

八歲偷照鏡長眉已能畫十歲去踏青芙蓉作裙衩



十二學彈箏銀甲不曾卸十四藏六親懸知猶未嫁  
十五泣春風背立鞦韆下

鄆郊別墅寄所知

溫庭筠

持頤望平綠萬景集所患南塘遇新雨百草生容姿  
幽鳥不相識美人如何期徒然委搖蕩惆悵春風時

感螢

司馬禮

愛爾持照書臨書歎吾道青熒一點光曾誤幾人老  
夜久獨此心環垣閉秋草

蠶女

養蠶先養葉蠶老人亦衰苟無園中葉安得機上絲

妾家非豪門官賦日相追鳴梭夜達曉猶恐不及時  
但憂蠶與葉敢問結髮期東鄰女新嫁照鏡弄蛾眉

劄北門行

曹鄴

長河凍如石征人夜中戍但恐筋力盡敢憚將軍遇  
古來死未歇白骨礙官路豈無一有功可以高其墓  
親戚牽衣泣悲號自相顧死者雖無言那堪生者悟  
不如無手足得見齒髮暮乃知七尺軀却是速死具

離別

陸龜蒙

丈夫非無淚不灑離別間仗劍對樽酒恥爲游子顏  
蝮蛇一螫手壯士疾解腕所患在功名離別何足歎

醒後

劉駕

醉臥芳草間酒醒日落後壺觴半傾覆客去應已久  
不記折花時何得花在手

田家

聶夷中

二月賣新絲五月糶新穀醫得眼前瘡剗却心頭肉  
我願君王心化作光燭燭不照綺羅筵只照逃亡屋

雜怨

君淚濡羅巾妾淚滴路塵羅巾今在手日得隨妾身  
路塵如烟飛得上君車輪

村居晏起

于濬

村居少閑事日高猶閉關起來花滿地戴勝鳴桑間  
居安即永業何者爲故山朱門與蓬戶六十頭盡斑

聽彈琴

張喬

清月轉瑤軫弄中湘水寒能令坐來客不語自相看  
靜恐鬼神出急疑風雨殘幾時歸隴嶠夏過洞庭彈

泉上雨後作

元季川

風雨蕩繁暑雷息佳霽初衆峯帶雲色清氣入我廬  
颯颯涼颿來臨窺愜所圖綠蘿長新蔓裊裊垂坐隅  
流水復簷下丹砂發清渠養葛爲我衣種芋爲我蔬  
誰是畹與畦瀟漫連野蕪

覽古

吳筠

食其昔未偶落魄為狂生一朝君臣契雄辯何縱橫  
運籌康漢業憑軾下齊城既以智所達還為智所烹  
豈若終貧賤酣歌本無營

同劉主簿承介建昌江汎舟作

吾友從吏隱和光心杳然鳴琴正多暇嘯侶浮清川  
風霽遠澄映昭昭涵洞天坐驚衆峯轉乃覺孤舟遷  
崖嶼非一狀差池過目前徘徊白日暮月色江中鮮  
真興殊未已滔滔且泝沿時歌滄浪曲或誦逍遙篇  
酣暢迷夜火遲遲方告旋此時無相與其旨在忘筌

挂樹藤

費冠卿

本為獨立難寄彼高樹枝蔓行數條遠溟濛千朵垂  
向日助成陰當風藉持危誰言柔可屈坐見蟠蛟螭

感遇

梁德裕

幽澗生蕙若幽渚老江蘼榮落人不見芳香徒爾為  
不及綠萍草生君紅蓮池左右美人弄朝夕春風吹  
葉洗玉泉水珠清湛露滋心亦願如此託君君不知

七月十六日赴庾直有懷

梅堯臣

白日落我前明月隨我後流光如有情徘徊上高柳  
高柳對寢亭風影亂疎牖我馬臥其傍我僕倦屈肘

宋

言三  
寂寂重門局獨念家中婦乳下兩小兒夜夜啼向母  
問爺若箇邊天性已見厚不嗟羈枕孤不愧棲禽偶  
內有子相憶外有月相守何似長征人沙塵聽刁斗

桓妒妻

昔聞桓司馬娶妾貌甚都其妻南郡主悍妒誰與俱  
持刀擁羣婢逕往將必屠妾時在牕前解髮臨鏡梳  
鬢髮雲垂地瑩姿冰照壺妾初見主來縮髻下庭隅  
斂手語出處國破家已殂無心來至此豈願奉君娛  
今日苟見殺雖死生不殊主乃擲刃前抱持一長吁  
曰我見猶憐何況是老奴盛怒反爲喜哀矜非始圖

嫉忌尚服美傷哉今亦無

與頓起孫勉泛舟揆韻得未字

蘇軾

窓前堆梧桐牀下鳴絡緯佳人尺書到客子中夜喟  
朝來一樽酒晤語聊自慰秋蠅已無聲霜蟹初有味  
當爲壯士飲眦裂須磔喙勿作兒女懷坐念蠨蛸畏  
山城亦何有一笑瀉肝胃泛舟以娛君魚鼈多可餽  
縱爲十日飲未遽主人費吾儕俱老矣耿耿知自貴  
寧能傷門戶嗾笑雜猩狒要將百篇詩一吐千丈氣  
蕭條歲行莫追此霜雪未明朝出城南遺跡觀楚魏  
西風迫吹帽金菊亂如沸願君勿言歸輕別吾所諱

讀孟郊詩

夜讀孟郊詩細字如牛毛寒燈照昏花佳處時一遭  
孤芳擢荒穢苦語餘詩騷木清石鑿鑿湍激不受篙  
初如食小魚所得不償勞又似煮彭蠡竟日嚼空齏  
要當鬪僧清未足當韓豪人生如朝露日夜火消膏  
何苦將兩耳聽此寒蟲號不如且置之飲我玉卮醪  
十二月二日將至渦口五里所遇風留宿

長淮久無風故意弄清慢今朝雪浪滿始覺平野隘  
兩山控吾前吞吐久不暇孤舟繫桑本終夜舞澎湃  
舟人更傳呼弱纜恃管蒯平生傲憂患久已恬百怪

鬼神欺吾窮戲我雷一噫餅中尚有酒信命誰能戒

呼雞

王令

雞呼雞來前犬嗾犬至止夫豈必可名役以食乃爾  
今吾曷為悲人而雞犬為自計無自存西山謝夷齊

新霜

文同

新霜着庭樹葉可如猛剉蕭然物容改有若懼凌挫  
砌下丹橘落墻邊紫樗破精光竹勁健沮喪柳怯懦  
覽景惜向暮感時驚忽過勝事實可樂閒愁本堪唾  
何當共佳客對此酌香糯

跋子瞻和陶詩

黃庭堅

子瞻謫嶺南時宰欲殺之飽喫惠州飯細和淵明詩  
彭澤千載人東坡百世士出處雖不同風味乃相似  
子瞻詩句妙一世乃云効庭堅體蓋退之戲效  
孟郊樊宗師之比恐後生不解以韻道之  
我詩如曹鄴淺陋不成邦公如大國楚吞五湖三江  
赤壁風月笛玉堂雲霧窻句法提一律堅城受我降  
枯松倒澗壑波濤所春撞萬牛挽不前公乃獨力扛  
諸人方嗤點渠非晁張雙但懷相識察牀下拜老龐  
小兒未可知容或許敦厯誠堪壻阿吳買紅纏酒缸  
書懷示友  
陳與義

有錢可使鬼無錢鬼揶揄百年堂前燕萬事屋上烏  
微官不救飢出處違壯圖相牛豈無經種樹亦有書  
如何求二頃歸臥淵明廬曝背對青山鳥鳴人意舒  
試數門前客終歲幾覆車

寄懷

李觀

鳥獸死有用羽角筋革齒輦輓入工師飾作軍國器  
玉食白如瓠瞑目已腐穢生者不敢畱埋藏與螻蟻  
百季富貴身孰若禽獸類惟有令名人終古如不死

湖上

唐庚

佳月明作哲好風聖之清湖邊得二友夜語投三更

煙露兩相溼水天參互明散衣芭蕉涼曳杖枕椰輕  
星走拋餘光山空答虛聲歸矣不可留過幽恐神驚  
賀范志能農圃堂

周必大

荒淫兵以顛戰勝越云吉是非兩安在阡陌眇蕭瑟  
公來開別墅草莽手肥櫛陰晴及寒暑每到皆勝日  
新詩弔興廢收拾滿箱帙有客師元亮甫謝彭澤秫  
幸分北窻風容此易安膝

雨中示魏惇夫兼懷黃子厚

朱文公

暄風變春餘卉木日蔥蒨林間一雨來滿庭寒草徧  
寂寞謝朋儔晤語懷雋彥良無一木遙阻闊何由見

晨登雲際閣

晨起踏層閣徙倚望平郊攢巒夏雲曉蒼茫林影交  
暫釋川途念憇此烟雲巢聊欲託僧宇歲晏結蓬茅  
齋居聞磬

幽林滴露稀華月流空爽獨士守寒棲高齋絕羣想  
此時鄰磬發聲合前山響起對玉書文誰知道機長  
同林擇之范伯崇歸自湖南袁州道中多奇峯  
秀木怪石清泉請人賦一篇

我行宜春野四顧多奇山攢巒不可數峭絕誰能攀  
上有青蔥木下有青冷灣憂憐灣頭石一一神所剡

言宗 一  
衆目共遺棄千秋保堅頑我獨抱孤賞喟然起長歎

卜居

卜居屏山下俯仰三十秋終然村墟近未愜心期幽  
近聞西山西溪谷開平疇葑茨十數家清川可行舟  
風俗頗淳朴曠土非難求誓捐三徑資往遂一壑謀  
伐木南山巔結廬北山頭畊田東溪岸濯足西溪流  
朋來卽共懽客去成孤遊靜有山水樂而無身世憂  
著書竣來哲補過希前修茲焉畢暮景何必營菟裘

行視武夷精舍作

神山九折溪沿泝此中半木溪波浪闊浮綠春渙渙

上有蒼石屏百仞聳雄觀巔巖露垠堦突兀倚霄漢  
淺麓下縈迴溪林入叢灌胡然闕千載建此開一旦  
我乘新村船輟棹青草岸榛莽喜誅鋤面勢窮考按  
居然一環堵妙處豈輪奐左右矗奇峯躊躇極佳玩  
是時芳節闌紅綠紛有爛好鳥時一鳴王孫遠相喚  
暫遊意已愜獨往身猶絆珍重舍瑟人重來足幽伴

宿石田館

春江日東注我行遡其波揚帆指西瀛兩岸青山多  
青山自逶迤飛石空嵯峨綠樹生其間幽鳥鳴相和  
寧蓬騁遐眺擊楫成幽歌獨語無與晤茲懷竟如何



古風上知府祕書

范成大

大鵬上扶搖南溟聒天沸斥鷃有羽翼意滿蓬蒿裏  
不如附驥馱掣電抹荆剗誰云極么麼俛仰且萬里  
向來庭戶間沒起不踰咫飄飄託方便意氣乃如此  
物生未可料日暮儻逢世君看功名場得失一交臂

醉書

陸游

似閒有俸錢似仕無簿書似長免事仕似屬非走趨  
病能加餐飯老與酒不疎婆娑東湖上幽曠足自娛  
時時喚客醉小閣臨紅蕖釣魚所銀絲劈荔見玉膚  
檀槽列四十遺聲傳故都豈惟豪兩川自足誇東吳

但恨詩不進榛荒失耘鋤何當掃纖豔傑作追黃初

自唐安徙家來和義出城迎之馬上作

身如林下僧處處常寄包家如樑上燕歲歲旋作巢  
豈惟人所憐顧影每自嘲眼看佳山水不得結把茅  
造物困豪傑如視餓虎哮要令出精神感激使叫喚  
頗思投筆去走馬盤雲旂三更冒急雪大戰梁楚郊

送謝希孟歸黃巖

陳傅良

累觴以爲歡班荆以爲儀交際貴如此勿使至意虧  
頗常怪小雅鹿鳴至魚麗賓主禮百拜六經似支離  
明發白沙灘聞布谷有感

楊萬里

言宗 二所集  
提壺勸我飲杜鵑勸我歸不如布谷子勸我勤耘耔  
我少貧且賤不但無置錐筆未墾紙田黑水導墨池  
借令字堪煮識字亦幾希啼饑如不聞饑憤自不啼  
駿奔三十年辛勤竟何爲髮從道塗白面爲風霜鰲  
夜來白沙灘老命輕如絲洪濤舞一葉呼天叫神祇  
生全乃偶然人力初何施曉聞布谷聲如在故山時  
坐令萬感集初悟半世非一險靡不悔數悔容何追  
有田不歸耕布谷眞吾師

玉井亭觀荷

葉仙初出波照日穉猶怯密排碧羅蓋低護紅玉頰

館之木精宮環以琉璃堞珠明浮盤戲酒漾流杯擘  
青筆尖欲試綠牋皺還摺老龜大於錢辛勤上團葉  
忽聞人履聲入水一何捷

上巳與二客遊水月洞得事字

劉克莊

勝踐造物慳貧交世情棄昔戒十客來已無一人至  
惟余暨兩君鼎足坐木次歡言天氣佳誰謂風土異  
高吟離騷選序酌逮髮釋滌淫去惡詩捫石認錢字  
古來幾褻飲傳者纔一二蘭亭感慨多未了生死事  
杜陵更酸辛窮眼眩珠翠旨哉茲日遊超然遺塵累  
消搖千載後尚有浴沂意巖扉滑如玉歲月可鑄識

趣劉侔聖與建第

劉宰

鷓鴣巢枝寬大鵬溟海窄不齊物之情小大貴安宅  
一區揚子雲衡宇陶彭澤何妨輪鞅稀所憎塵市迫  
吾宗攜家來寒暑已屢革寓舍得賈區開門即廣陌  
四鄰共壁立而無藩牆隔晝通燔炙芬夜悉笑語啞  
麕至僮實用雨立媿臧獲傳聞三徑地經始得長策  
良材蔽川下賤售非難索露廩發陳積香飯留匙白  
羣工闔戶外拱手聽規畫願速大廈成却展搏風翮

秋日過屏山菴

戴昺

凄切抱葉蟬間關棲樹禽入山本避喧復愛聆此音

微颺動夕爽薄雲散秋陰衆籟闕以靜片月生東林

歲暮和剛父雜詩

趙孟頫

驚飄吹白日流光忽蹉跎登山采衆芳荆蓁一何多  
迷道幸未遠迴車且委蛇黃鶴志四海雀鷄將如何

次韻元復初春思

袁桷

凍樹迴青陽羈禽競新唳喧喧人語浮稍稍春事動  
澄心絕芳華小睡足幽夢夢覺天宇新朝光集飛棟

蒼山感秋

范梈

蒼山秋意長池館靜而閔雨止修竹間流螢夜淡至  
皇羲世云遠雅頌日凋弊舉手過頽波誰識作者志

烏啼魯東門泗水不染校後去三十年直可肩聖知  
機關繫風化詞語特細事月落閉虛簾坐夢太古帝  
揚眉頰玉色盡發養生祕勿謂仙學難此道可立致

石門夜泊

方瀾

積雨暮天豁炊煙隔林起人喧落帆處野語新月裏  
桑徑綠如沃麥風寒不已一夕舟相銜擾擾利名子

古意

岑安卿

亭亭千載松起自一寸植苟無斧斤患壽可比金石  
青青園中草一雨迴故色清霜忽飄零憔悴在頃刻  
子夜吳聲四時歌

張憲

湖上水雲綠荷花十里香啾啾木蘭權驚起睡鴛鴦  
雌雄兩分去不覺斷人腸

宿田家

何中

邨暗煙火生林溪雞犬靜麥花如積雪月色澹相映  
鄰家夜汲歸寒蟲滿幽徑

吳宮怨

項沔

綉楣灑黃粉椒壁漲紅青倚檐樹如鬼深草蛇夜鳴  
鬪體已無淚古恨埋石局

菘興

劉基

倦鳥莫安巢風林無靜柯路長羽翼短日暮當如何

明

詩

卷

四六

詩宗 二外集  
登高望四方但見山與河寧知天上雨去爲滄海波  
慷慨對長風坐感玄鬢蟠弱水不可航層城岌嵯峨  
淒涼華鶴表太息成悲歌

擬古

丘 濬

依依重依依不忍生別離別離已可悲况值秋風時  
柳衰不堪折情悲不堪說願妾爲小星君身化明月  
明月青天飛小星恆相隨月出星亦出月歸星亦歸  
莫學秋胡妻相逢不相識生者固可慚死者亦何益

雜詩

王廷陳

絺綌寒不求纈絮暑不御當其不切施棄置若弗顧

時節忽復及效用乃如故冥運不無代物理豈長遇  
功成互見奪乘時各有鶩嗟哉團扇姬怨歌良已誤

古詩

孟冬風已厲攬衣有餘嘆獨宿知夜長遠客知天寒  
河漢直雙闕皎若素與紈黃鶴從西南孤飛正漫漫  
一鳴緩中帶再鳴雷玉顏游子不可聽令君中道還  
所以生別離慷慨亮爲難

暮坐離蕢園卽景

王世貞

高齋語來暝偶爾成幽憇崢嶸石色古窈窕川流細  
新月在疎篁娟娟自相媚願此羣籟寂悅焉覩真際

欲叩俄已忘呼杯但成醉

燕子磯觀音閣

徐渭

青山如美人樓觀即奩粧若無一片鏡妙麗苦不昌  
茲石一何幸值此江中央上乘巨構支下集帆與檣  
朱碧得水鮮鳧鴈拂波光煙霧不見海神去萬里長  
我與三友俱兼以童僕雙日西買市飯半道謝驢韉  
五口將十足蹶然餒且僵百錢成一遊安得甘旨嘗  
歸來乏燈燭微雨沾衣裳沽酒不成醉頽然倒方牀  
猶夢立閣下遙觀大魚翔

坐王官谷朋石館

袁宏道

雲以竹爲郵雪以梅爲館君看竹多處無陰雲亦滿  
將雪迎柳條柳意自疎緩一種漠漠思盡屬寒花管  
儂與君亦然氣味同老懶冷澹足生活不向晴處暖

送南子興

湯賓尹

一歌將進酒二歌月重輪三皇皇者華四步出夏門  
錦服倚魚軒夾路山溪明憶往觸西事集句撥不平  
今日傳天書萬里驅風生上馬醉蘆酒按劍懸蘭纓  
杜句與韓碑千載足崢嶸

田園詩

陳繼儒

樹老常縛牛屋老難踏鳥入門恐傾敝客至俱班草

薄酒三四升取醉不取少笑指東隣花桃李日杲杲  
昨夢是何祥吹來故人好

降自孔子崖循黃華洞止焉

鍾惺

山有挾而勝不專在高寒粲粲黃華洞聲光夕陽間  
萬松裏泉石往復多其端泉不壁而瀑松不風而湍  
層巒或漾之偃仰生微瀾巖壁不自主烟日靜而安  
蘿石相磴棧屈曲自糾蟠雖無人上下其勢若牽攀  
以其處山半末力厥維艱遊者曰登岱遂不復降觀

詩宗卯集卷八





